

欽定四庫全書

子部

外臺秘要方卷二十四

詳校官太醫院吏目臣宋桂

編修臣倉聖脈覆勘

欽定四庫全書

外臺秘要方卷二十三

癭病方一十八首

唐 王燾 撰

病源癭者由憂恚氣結所生亦由飲沙水沙隨氣入於脈搏頸下而成之初作與癭核相似而當頸下也皮寬不急垂搥搥然也恚氣結成癭者但垂核搥搥然無脈也飲沙水成癭者有核癭然無根浮動在皮中又

云有三種癭有血癭可破之息肉癭可割之有氣癭可
 具針之養生方云諸山水黑土中出泉流者不可久居
 常食令人作癭病動氣增患出第三十
一卷中
 肘後療頸下卒結囊漸大欲成癭海藻酒方

海藻一斤
去鹹 清酒二
升

右二味以絹袋盛海藻酒漬春夏二日一服二合稍
 稍含咽之日三酒盡更以酒二升漬飲之如前滓暴
 乾末服方寸匕日三盡更作三劑佳崔氏文
仲同

又方

昆布海藻等分末之蜜丸含如杏核大含稍稍咽

汁日四五

並出中卷

深師療癭方

桂心

昆布洗

海藻洗

甘草炙

白麩蒸錢三分

龍膽草

海蛤研

土瓜根

半夏洗

吳茱萸

牡蠣熬各一兩

右十一味為散酢漿水服五分匕先食日三十日知

盡藥愈節食鹽羊肉錫生葱蒜菜

又方

海藻二分

龍膽草二分

昆布二分

土瓜根二分

半夏二分

小麥麩二分

右六味為散先食酒服方寸匕日三二十日知三十

日愈忌羊肉錫並出第二十九卷中

小品癭病者始作與癭核相似其癭病喜當頸下當中
央不偏兩邊也乃不急臄然則是癭也中國人息氣結

癭者但垂腿腿無核也長安及襄陽蠻人其飲沙水喜
癭有核癭癭耳無根浮動在皮中其地婦人患之腎氣
實沙石性合於腎則令腎實故病癭也北方婦人飲沙
水者產乳其於難非針不出是以比家有不救者良由
此也

療癭方

小麥一升

醇苦酒一升漬小麥令釋漉出暴燥復漬使苦酒盡

暴麥燥擣篩以海藻三兩別擣以和麥末令調酒服

方寸匕日三禁鹽生魚生菜豬肉

肘後崔氏備急云
療三十年癩疾集

驗文仲范汪等同出第十

卷中肘後用海藻五兩

集驗療癩酒方

是水雨經露出柳根

三十斤

右以水一斛煮得五斗同米三斗釀之酒成先食服

一升日三

范汪同出
第四卷中

崔氏海藻散療癩方

海藻

八兩洗去鹹汁

貝母

二兩

土瓜根

二分

小麥麩

二分

炒

右四味作散酒服方寸匕日三

又方

秫米

三升依酒法炊

右一味取圓葉白楊皮十兩去上蒼者慎勿令見風細切以水五升煮取二升濃汁漬麴末五兩用前件秫米依酒法醱之熟訖封塞一七日然後空腹服一

大盞日再服三日內即効神驗無比

並出第四卷中

張文仲隱居効驗療癭方

昆布

洗

松蘿

各三分

海藻

五分

右三味搗蜜丸如杏核大含咽津日三夜二大佳

備急

肘後同

又療癭司農揚丞服効第一方

昆布

六分洗

海藻

七分

松蘿

乾薑

桂心

各四分

通草

五分

右六味搗節蜜丸如梧子一服吞七丸即住在頸下
癭處欲至食時即先飲少酒下却丸子後進食禁酢
蒜鹽酪臭肉倉米等若癭大者加藥令多取差

又第二方

昆布

洗

海藻

洗各
一斤

右二味細切好酒五升浸七日量力取數服酒盡以
酒更浸兩遍藥力盡當以此酒下前丸藥益善

備急
肘後

同

又方

小麥

三升

右以三年米酢三升漬麥暴乾乾更浸使酢盡又暴乾擣篩為散別擣昆布為散每服取麥散二匕昆布散一匕旦飽食訖清酒和服之若不能飲酒者以水和服亦得服盡即差多服彌善無所禁但不用舉重

及悲啼煩惱等事

肘後備急
集驗同

又含丸方

檳榔

三兩

馬尾海藻

三兩洗

昆布

三兩洗

右三味末之蜜丸如雞子黃大每日空腹含一九徐

徐令津液取汁咽之忌鹽並楊丞方服驗

肘後備急同並出第

六卷

中

救急療癭要切方

鼠粘草根

一升湯洗

右細切除皮者一升一物以水三升煮取一升半分

溫三服服相去如人行四五里一服宜頓服六劑病

即差一方削除皮細切取三大升搗篩為散蜜和丸

如梧子一服二十九日再服之稍稍加至三十九以

無灰酒進之

出第五卷中

古今錄驗療氣癭方

晉州熙公奏徐公方

問荊

一兩出
海島

羯羊靨

五具去
脂炙

白斂

椒目

甘草

炙各一分

小麥麴末

二兩
熬

右六味搗篩為散羊靨一種別搗為末相和好漿浸

更搗作丸如小棗大一服五丸無禁

又方

羊靨一百枚煖湯浸去脂炙大棗二十枚去皮作丸服忌慎如常藥法

又方

取羊靨一具去脂含汁汁盡去皮日一具七日含便差

又療癭海藻散方

海藻十分洗

昆布一兩洗

海蛤一兩研

通草一兩

菘蘿 洗

乾薑

桂心 各二兩

右七味下篩酒服一錢匕日三

出第四十一卷中肘後無乾薑有白欬

氣癭方一十首

廣濟療氣癭氣胃膈滿塞咽喉項頸漸麤昆布丸方

昆布 二兩洗去鹹汁 通草 一兩

羊靨 二具炙

海蛤 一兩研

馬尾海藻 一兩洗去鹹汁

右五味蜜丸如彈子細細含咽汁忌生菜熱麵炙肉

蒜笋

又療冷氣築咽喉噎塞兼癭氣昆布丸方

昆布 八分 洗

乾薑 六分

犀角 六分 屑

吳茱萸 四分

人參 八分

馬尾海藻 四分 洗

葶藶子 六分 熬

杏仁 八分

去皮 尖熬

右八味搗篩蜜丸如梧子空腹以飲服忌生冷粘食

陳臭等餘忌同前

又療氣妨塞方

昆布 三兩 洗

菘蘿

通草

柳根鬚 各三

兩近水
生者

右四味搗篩蜜丸如彈丸大以海藻湯浸細細含之
咽盡勿停忌舉重生嗔憂悲等

又療癭細氣方

昆布 十二分洗

馬尾海藻 十分洗 杏仁 八分

通草

麥門冬 去心

連翹 各六分

乾薑

橘皮 各六分

茯苓 八分

松蘿 三兩

右十味搗末以袋盛含之乃以齒微微嚼藥代袋子汁

出入咽中日夜勿停有問荊加四分佳忌嗔及勞油

膩粘食 並出第
二卷中

深師蘇子膏療氣癭方

臘月豬脂一升蘇子

桂心

大黃

當歸

乾薑

橘皮

蜀椒 汗各
三分

右八味切以水六升煮取二升去滓內豬脂消盡服

差忌生葱

出第二十
九卷中

崔氏云凡水癭氣癭可差石癭不可治療氣癭方

平旦手挽癭令離項掐其下根脈斷愈一日一度
掐易愈者七日如難差者三七日愈

又方

昆布 二兩 洗

海藻 二兩 洗

龍膽草 一兩

馬刀 半兩 炙

海蛤 半兩 研

大黃 一分

熏黃 半兩

右七味搗蜜丸如梧子大破除日以綿裹一丸含咽
津朝暮空腹服忌五辛豬肉

又方

海藻二兩

洗

右一味以淳酒四升漬二宿漉去滓細細煖含咽之

盡即更造取差為度

范汪同並出
第四卷中

必効主氣癭方

白頭翁半兩

兩

昆布十分

洗

海藻七分

洗

通草七分

分

玄參

連翹各八分

桂心三分

白欬六分

右八味擣篩蜜丸如梧子五丸若冷用酒服禁蒜麪

豬魚生葱出第五卷中

古今錄驗療瘰有在咽喉初起游氣去來陰陽氣相搏
遂停住喉中前不去腫起如斛羅諸瘰不差小麥湯方

小麥

三升

昆布

二兩洗去鹹

厚朴

炙一兩

橘皮

附子

炮

海藻

洗各二兩

生薑

五兩

半夏

洗五兩

白前

三兩

杏仁

一百枚去尖皮

右十味切以水一斗煮取三升半分五服相去一炊

頃忌豬肉錫羊肉冷水

出第四十一卷中

五瘰方八首

深師五癭丸方

取塵靨以酒漬炙乾再內酒中更浸炙令香咽汁

味盡更易十具愈

千金翼同出第
二十九卷中

范汪療五癭方

昆布

洗 三兩

海蛤

研 二兩

松蘿

兩 二

海藻

洗 三兩

通草

白斂

桂心

各二
兩

右七味作散酒服方寸匕日三

千金翼同出第
四十二卷中

千金療石癭勞癭泥癭夏癭氣癭方

海藻 洗

龍膽草

海蛤 研

通草

昆布 洗

礬石 燒

松蘿 各三分

小麥麩 四分

熬
半夏 洗二分

右九味作散酒服方寸匕日三禁食魚豬肉五辛生

菜羊肉飭十日知二十日愈

又方

菖蒲 兩二

海蛤 研一兩

白斂 一兩

海藻 洗一兩

松蘿 一兩

桂心 一兩

椒 汗一兩

羊靨 百枚

半夏一兩

洗

續斷一兩

神麴三兩

到桂草一兩

右十二味搗作散以羊牛髓和為丸如梧子日服三

丸忌羊肉生葱等翼同

又方

小麥麴一升

特生礬石一斤

海藻一斤

右三味以陳酢一升漬小麥麴暴乾更漬令酢盡乾

各搗下篩每服兩方寸匕日四五服含乃咽之忌同

前及大誦大語吹火用氣翼深師用小麥麴一斗餘

同並出第二十五卷中

千金翼五癭方

海藻一兩 洗

昆布洗

半夏洗

細辛

土瓜根

松蘿各一兩

白欬

龍膽草各二

兩

海蛤二兩

通草二兩

右十味作散酒服方寸匕日再忌羊肉餘忌同前

又方

昆布二兩 洗

右一味切如大指酢漬含咽汁盡愈

又方

海藻

一斤

小麥麩

一斤

右二味以陳酢一升溲麩暴令乾復漬令酢盡作散

酒服方寸匕日三忌怒

出第十
一卷中

灸癭法一十三首

千金灸諸癭法

灸肩髃左右相宛宛中男左十八壯右十七壯女

右十八壯左十七壯再三以差止

又法

灸風池百壯風池夾項兩邊兩穴兩耳上髮際中

通按此條千金聖濟作灸風池百壯又灸兩耳後髮際百壯乃是兩條然明堂無髮際穴

又法

灸大椎百壯兩邊相去各一寸半小下垂各三十

壯

又法

灸頸衝頸衝在伸兩手直向前令臂著頭對鼻所

住處灸之各隨年壯凡灸五處九穴

翼深師並同
通按○頸

衝即臂臑穴在肘上七寸其灸五處九穴即
風池髮際大椎大杼頸衝五處共九穴也

又瘦上氣并短氣方

灸肺俞一百壯

又瘦上氣胃滿法

灸雲門五十壯

又瘦惡氣方

灸胃堂百壯

又瘦惡氣法

灸天府十五壯

又瘦勞氣法

灸衝陽隨年壯在肘外屈橫文頭是據此是曲池穴衝陽在足

跌上
五寸

又療瘦法

灸天瞿三百壯橫三間寸灸之

又瘦氣面腫法

灸通天五十壯在耳上二寸

又灸癭法

灸中封隨年壯在兩足趺上曲尺宛宛中

並出第十五

卷中

又灸癭法

灸耳後髮際有一陰骨骨間有一小穴亦有動脈
準前灸大効 已上穴所在具三十九卷明堂中

出第六

卷中

瘤方三首

肘後云皮肉中忽腫起初如梅李漸長大不痒不痛又不堅強按之柔軟此血瘤也不療乃至如盤大則不可復消而非殺人病爾亦慎不可破方乃有大療今如覺但依瘦家療療若不消更引別大方

出中卷

深師療瘤脂細瘤方

吳茱萸

一分

礬石

燒

芎藭

當歸

大黃

黃連

芍藥

白斂

黃芩

各二分

右九味合搗下篩和雞子塗著細故熟布上隨瘤大小薄厚貼之燥輒易之著藥當熟作膿脂細細從孔中出探知膿血盡著生膏若膿不盡復起故也生肉膏方如左

又生肉膏療癰瘤潰漏及金瘡百瘡悉療之方

真當歸

附子炮

甘草

白芷

芎藭

各一兩

薤白

一兩

生地黄

三兩

右七味呔咀以豬膏三升半合微火煎白芷地黃去

滓稍以傅瘡上日三良

千金並同出第
二十九卷中

千金云凡肉瘤勿療療則殺人慎之慎之

出第二十
五卷中

千金翼療瘤病方

麋鹿二種肉割如厚脯火炙令熱搗掩可四炙四

易痛膿便愈不除更炙新肉用之良

出第二十
四卷中

白瘤及二三十年瘤方三首

千金翼白瘤方

先極搔刮以繩縛之即愈又取東向木空中水熱
刮瘤上洗之日三即愈

又方

白礬

硫黃等分

右二味末以酢和封上

並出第二十四卷中

千金陷腫散主二三十年瘤癭及骨瘤石瘤肉瘤膿瘤
血瘤或大如杯孟升斗十年不差致有漏潰令人骨消
肉盡或堅或癩或漬令人驚惕寐寤不安體中掣縮愈

而復發療之方

千金翼云
陷參散

烏賊魚骨

一分

白石英

二分

石硫黃

一分

紫石英

二分

鍾乳

三分
研

乾薑

一分

丹參

三分

琥珀

一分

兩

大黃

一分

附子

一分
兩

胡鷲屎

一分

右十一味為散貯以韋囊勿令泄氣若瘡濕即傅之

若瘡乾無汁者以豬膏和傅日三四以乾為度若汁

不盡者至五劑十劑止勿措意不作也著藥令人不

疼痛若不消加芒硝二兩益佳忌豬肉

出第二十五
卷中翼無鷲

尿

喉痺方二十一首

病源喉痺者喉裏腫塞痺痛水漿不得入也人陰陽之氣出於肺循喉嚨而上下也風毒客於喉間氣結蘊積而生熱故喉腫塞而痺痛脈沉者為陰浮者為陽若右手關上脈陰陽俱實者是喉痺之候也亦令人壯熱而惡寒七八日不治則死其湯熨針石別有正方補養宣導今附於後養生方導引法云兩手拓兩頰手不動樓

肘使急腰內亦然住定放兩肋頭向外附膊腰氣散盡

勢大悶始起來去七通去喉痺

出第三
十卷中

廣濟療喉痺急痰悶妨不通方

馬蘭根

切一
升

升麻

三
兩

瞿麥

二
兩

射干

十
兩

犀角

二兩
屑

通草

二
兩

玄參

三
兩

右七味切以水八升煮取二升去滓細細含咽一日

令盡得破膿慎熱麪炙肉蒜

又療喉痺方

馬藺子

八分

牛蒡子

六分

右二味搗為散每空腹以煖水服方寸匕漸加至一

匕半日再

並出第
二卷中

肘後療喉痺者喉裏腫塞痺痛水漿不下入七八日即
殺人療之方

巴豆

一枚開
其口

右一味以綿裹極堅令有繩出外以巴豆內鼻中隨
腫左右時時吸氣半日許即差無巴豆用杏仁以塞

耳如之

文仲范汪同

又方

熬杏仁熟搗蜜丸如彈子含咽其汁亦可搗杏

末帛裏含之

小品文仲備急范汪同

又方

礬石一兩水三升漬洗手足

又方

生地黄汁二升蜜二升合微火煎之取二升稍稍

含之

又方

射干

當歸 各三兩

右二味切以水三升煮取一升稍稍含之吐去更含

又方

剝葫塞耳鼻孔日再易之有效

又方

菖蒲根嚼燒秤鎰令赤內一杯酒中沸止飲之

文仲

備急

同

又療喉痺方

射干一片含咽汁

又方

升麻斷含之喉塞亦然

又方

桔梗

三兩

右一味切以水三升煮取一升頓服之忌豬肉

又方

取芥子搗碎以水及蜜和滓傳喉下燥輒易

又傳用神効方

桔梗

甘草

炙各一兩

右二味切以水一升煮取服即消有膿即出忌豬肉

海藻菘菜

備急同

又療垂死者方

搗馬蘭根一握少以水絞取汁稍稍咽之口噤以

物拗灌之神良

古今錄驗雞子湯療喉痺方

半夏末 方寸匕

右一味開雞子頭去中黃白盛淳苦酒令小滿內半

夏末著中攪令和雞子著刀子鏤令穩炭上令沸藥

成置杯中及煖稍咽之但腫即減忌羊肉飴 肘後文仲同此

與仲景苦酒湯同半夏不可作末刮之可也

又療喉痺塞射干丸方

射干 二兩

豉 三合

芎藭

杏仁 去尖皮各

一兩

犀角 一兩屑

升麻 二兩

甘草 一兩炙

右七味搗下篩蜜和丸含之稍稍咽津日五六忌海

藻菘菜

又射干湯療喉痺閉不通利而痛不得飲食者若閉喉

并諸疾方

當歸 二兩

升麻 一兩

白芷 三兩

射干

甘草 炙

犀角 屑

杏仁 去尖皮各一兩

右七味切以水八升煮取一升半分服神良忌海藻

菘菜

出第二十
九卷中

近効療喉痺方

大附子

一個刮去
皮作四片

右一味以蜜塗火上炙稍熱即含咽汁甜盡又取一

片準前含如已作頭即膿出如未作頭立消神驗忌

豬肉冷水

又方

朴硝一兩細細含咽汁一食頃差

又若腫全盛語聲不出者方

大附子

一枚炮裂削去皮切如豆

右一味含一塊咽汁半食間即差烏頭亦得忌豬肉

冷水

咽喉中閉塞方三首

廣濟療咽喉中塞鼻中瘡出及乾嘔頭痛食不下方

升麻

通草

黃蘗

玄參

各八分

麥門冬

十分
去心

竹茹

前胡

各六分

芒硝

十分

右八味切以水八升煮取二升五合去滓內硝溫分

三服服別如人食頃自利去硝

又方

生雞子一顆開頭取白去黃著米酢拌煆火燠沸起擎下沸定更三度成就熱飲酢盡不過一二即

差

並出第
二卷中

近効療喉痺喉咽塞喘息不通須臾欲絕神驗方

馬蔴根葉

二兩

右一味切以水一大升半煮取一大盞去滓細細喫
須臾即通絡石草亦療煎法分兩亦同

喉舌生瘡爛方八首

肘後療喉口中及舌生瘡爛方

含好溲苦酒即愈

文仲備
急同

又方

一酒漬蘘荷根半日含漱其汁

又方

杏仁

二十枚

甘草

一寸

黃連

一分

右三味末綿裏含之

同千金

又方

礬石

二兩燒去汗

黃連

一分末

右二味同研內口中令布瘡上

又方

黃連

一兩

右一味切以水三升煮取一升稍稍含冷吐忌豬肉
冷水

張文仲療口中及舌生瘡爛方

取牛膝根酒漬含漱之無酒者但亦取含之
肘後同

又方

劉黃蘗含之
肘後同並出
第七卷中

備急療喉中及舌生瘡爛方

劉薔薇根濃煮汁含漱之冬用根夏用枝葉
文仲
肘後

同出第
四卷中

咽喉生瘡方四首

廣濟療咽中生瘡吐血不下食方

方怡雲曰此方余用已驗但不大便者先

看輕重消息下
之後用此方

生地黄

五兩

青竹茹

玄參

雞蘇

各二兩

茯苓

升麻

麥門冬

去心各
三兩

右七味切以水八升煮取二升五合去滓分温三服

服相去如人行七八里不能多服含細細咽亦得忌

生冷熱麪炙肉油酢

出第五卷中

千金療口中塞及咽喉不利生瘡口燥膏方

豬膏

一斤

白蜜

一斤

黃連

一斤

右三味合煎去滓攪令相得含如半棗日四五度

又療熱病口爛咽喉生瘡水漿不得入膏方

當歸

射干

升麻

各一斤

附子

半兩炮二

白蜜

四兩

右五味切以豬膏四兩先煎之成膏下著地勿令大

熱內諸藥微火煎附子色黃藥成絞去滓內蜜復上

微火煎令相得盛器中令凝取如杏子大含之日四

五度稍稍咽之並出第
六卷中

古今錄驗升麻湯療咽喉生瘡方

甘草一兩
炙 升麻 石膏碎 牡丹皮各一
兩

右四味切以水七升煮取三升一服七合日三忌海

藻菘菜出第二十
九卷中

咽喉腫方五首

肘後咽喉卒癰腫食飲不過方

用薤一把擣傅腫上冷復易之用苦酒和亦佳

范汪

同

又方

吞薏苡仁子二枚

延年療喉中熱腫方

鼠粘根

切一升

右一味以水五升煮取三升去滓分溫三四服忌蒜

麩出第十
九卷中

古今錄驗羚羊角豉湯療喉痛腫結毒氣衝心胃方

豉一升
半

犀角一兩
屑

羚羊角一兩
屑

芍藥三兩

升麻四兩

杏仁一兩去
尖皮

梔子七枚

甘草炙一兩

右八味切以水七升煮取一升半去滓分三服忌海

藻菘菜

又五香湯療諸惡氣喉腫結核方

沉香二兩

薰陸香一兩

麝香二分研
湯成下

青木香二兩

雞舌香

二兩

右五味以水五升煮取一升半去滓分三服

並出第十九

中卷

喉卒塞痛及卒毒攻痛方三首

范汪療卒喉中塞痛不得飲食方

取敗筆一枝燒屑以漿飲服一方寸匕良驗

出第十五

中卷

文仲療喉中卒毒攻痛方

章陸根切炙令熟隔布熨之冷轉易立愈姚云苦

酒熱熬傳喉亦療喉痺

肘後小品同

又方

擣艾傳之

並出第七卷中

懸癰腫方三首

肘後療懸癰腫卒長數寸如指隨喉出入不得食方

開口捧頭以筋抑舌及燒小鐵於管中灼之令破

灼火畢以鹽隨烙處塗之

又方

擣鹽綿纏筋頭點鹽傳以揩之日六七度文仲備急同

千金療懸癰垂暴腫長方

乾薑

半夏等分洗

右二味末之以少少著舌本翼同出第六卷中

咽喉雜療方四首

范汪療咽喉不利下氣丸方

射干

附子炮

人參

杏仁各一分

右四味合搗下篩蜜丸如梧子含一九咽汁日三夜

一忌豬肉冷水

千金同

又療口中咽喉不利當歸含丸方

當歸末

二兩

杏仁

一兩

右二味搗合下篩以蜜和為丸如梧子二丸含漸漸

咽汁日三夜再

又療咽喉中痛不利丸方

升麻

甘草

炙

鬼臼

射干

丹砂 各一兩

雄黃 一兩

杏仁 一十枚

麝香 半兩

右八味擣下篩和以蜜丸如梧子飲服一九日三漸

加之酒下亦得咽痛失聲不利用良忌海藻菘菜

千金

同出第五

十卷中

崔氏療口咽咽內瘡痛欲失聲方

桂心 二兩

杏仁 熬二兩

黃芩 一兩

右三味擣末合和綿裹含如杏仁許咽汁消盡更含

日三夜二忌膩食 出第四卷中

寒熱癰瘰方一十一首

病源此由風邪毒氣客於肌肉隨虛處而停結為癰瘰
或如梅李等大小兩三相連在皮間而時發寒熱是也
久則變膿潰成瘻也其湯熨針石別有正方補養宣導
今附於後養生方導引法云踣踞以兩手從脚入據地
曲脚加其上舉尻其可用行氣愈癰瘰乳癰出第三十
四卷中
甲乙鍼經寒熱癰瘰論黃帝問曰寒熱癰瘰在於頸腋
者皆何氣所生岐伯對曰此皆鼠瘻寒熱之氣也稽留

於脈而不去者鼠瘦之本皆在於藏其末上出於頸腋
之間其浮於脈中未著於肌肉而外為膿血者去易問
曰去之柰何對曰請從其末引其本可使衰去而絕其
寒熱審安其道以予之徐徃徐來以去之其小如麥者
一刺知三刺而已決其生死法反其人目視之其中有
赤脈從上下貫瞳子見一脈一歲死見一脈半一歲半
死見二脈二歲死見二脈半二歲半死見三脈三歲死
此赤脈不下貫瞳子者可療

千金同出
第八卷中

廣濟療瘰癧丸方

鶴骨

狸骨並炙

射干

玄參

升麻炙

青木香

沉香

犀角屑

丁香

羚羊角屑

丹參

甘草炙各四分

人參

沙參各三兩

獺肝六分

連翹六分

光明沙二分研

右十七味搗篩蜜丸以飲服十五丸日二服漸加至

三十九丸空腹服之忌生冷油膩血食竝酢熱肉海藻

菘菜粘食陳臭生血物等

又療癰瘰方

連翹

射干

玄參

芍藥

青木香

芒硝

升麻

梔子仁

劈

前胡

當歸

甘草炙

大黃

各二兩

右十二味切以水一斗煮取三升分三服服別相去

如人行六七里快利忌同前方

並出第五卷中

劉涓子療寒熱癰瘰散方

狸骨

五兩 炙

烏頭

七分 炮

黃連

六分

右三味擣下節先食以酒服一錢七日三良忌豬肉

冷水

范汪同出 第十卷中

千金療癩瘰方

白殭蠶為散以水服五分七日三十日差

深師救急同

又方

於患人背兩邊腋下後文上隨年壯灸之

又方

灸耳後髮際七壯

又方

槲白皮

二斤

右一味細切以水七升煮取三升去滓真硃砂方寸匕和汁一升旦向日服之強行須臾吐鼠出三朝服良

又方

狸頭一枚灸擣下篩旦白飲服方寸匕日再服之

又方

狼糞灰封上良

又療寒熱瘰癧散方

連翹

土瓜根

龍膽草

苦參

黃連

括樓

芍藥

常山皮

各兩

狸頭骨 一枚
炙

右九味擣下篩酒服五分匕日三忌豬肉冷水

翼集
驗古

今錄驗同一方云無狸頭骨加之名
狸頭散餘同並出第二十四卷中

救急療瘰癧方

馬齒莧陰乾燒灰臘月豬膏和之以煖泔清洗瘡

拭乾傳之日三

出第三卷中

瘰癧結核方四首

廣濟療瘰癧息肉結硬薄方

白欵

甘草 炙

青木香

芍藥

大黃

各三兩

玄參

三兩

右六味搗為散少減以少酢和如稀糊塗故布貼上

乾易之勿停忌豬肉五辛熱肉飲酒熱麪等

又癰癧結核令消散方

黃芪七分

玄參八分

連翹

人參

升麻

青木香

伏苓

蒼耳子

甘草炙

朴硝

桂心各四分

枳實炙去瓢

大黃

羚羊角屑

麥門冬去心各五分

鼠粘子

苦參各九分

右十七味搗蜜丸如梧子以酒下十九日三夜四漸

加至二三十九以知為度忌同前方

並出第五卷中

肘後療頸下生瘡癩癬如梅毒宜使消之方

海藻

一斤洗

右一味以酒三升漬數日稍稍飲之

文仲備急等同

又方

人參

甘草炙

乾薑

白飲

各四分

右四味擣篩酒服方寸匕日三忌同

劉涓子文仲備急同出第六卷

中

惡核瘰癧方四首

文仲五香連翹湯療惡肉惡脈惡核瘰癧風結腫氣痛

方

青木香

沉香

雞舌香

各二兩

麝香

半兩

薰陸香

一兩

射干

紫葛

升麻

桑寄生

獨活

通草

連翹

各二兩

大黃

三兩

淡竹瀝

二升

右十四味切以水九升煮取減半內竹瀝更煮取三

升分三服忌五辛

千金方無紫葛雞古香有丁香古今錄驗同出第五卷中

延年丹參湯療惡肉核癰瘰諸風氣結聚腫氣諸病並

主之方

蒟藿

丹參 各二兩

甘草 炙

秦艽

獨活

烏頭 炮

牛膝 各一兩

躑躅花

蜀椒 各半兩汗

右九味切以水八升煮取三升溫服一升忌海藻菘

菜豬肉冷水

古今錄驗有白及餘並同

又玄參湯主惡核瘰癧風結方

玄參

升麻

獨活

連翹

各二兩

木防已

菊花

各一兩

右六味切以水八升煮取三升分服一升日三

同文仲

又丹參膏主惡肉結核瘰癧脈腫氣痛方

丹參

八分

白欬

獨活

連翹

白及

各四分

升麻

蒟藿

各六分

防已

玄參

杏仁

各五分
去皮尖

右十味細切以生地黄汁淹漬一宿以鍊成豬膏四升微火煎五上五下藥成絞去滓以摩病處日三四
癰腫瘰癧核不消方五首

經効犀角丸療瘰癧方

犀角

四分

升麻

三分

大黃

六分

牛蒡子

八分

烏蛇

十分炙去頭尾

玄參

八分

右六味末之蜜和丸如梧子大每日至午後煎牛蒡湯下三十五丸

又方

龍骨八分

牡蠣八分

右二味末之酒下三錢匕日三度良

又大黃膏方

大黃六分

附子四分

細辛三分

連翹四分

巴豆一分

右五味以苦酒浸一宿以臘月豬膏煎三上三下去
滓以綿濾之用傅之日三五度塗之良

集驗療寒熱瘰癧散方

連翹 分六

土瓜根 分四

龍膽草 分五

黃連 分四

苦參 分六

栝樓 分四

芍藥 分五

右七味為散食後溫酒下五分匕日三

又方

陵鯉甲二十一枚燒擣末傳瘡上効 千金同

鼠瘻及瘰癧方一十一首

文仲療瘰癧方

苦參四大兩搗末生牛膝和丸如梧子食後煖水

下十九日三服

又方

昆布

四分

海藻

四分

右二味各洗去鹹搗末蜜和丸如杏核許大含之日

三度良差

救急療鼠瘻久不差方

取狼鼠不限多少常作羹粥任喫之必驗

千金經 効同

范汪療鼠瘦癩瘰方

取臘月豬膏正月鼠頭燒令作灰以膏和傅之愈
若不差者癩瘰右灸右肩頭三指度以下指灸炷
皆如雞子大良若不能堪者可如中黃亦可已試
有良驗

又療頸鼠瘦累累者方

貝母

乾薑

藁本

桂心

蜀椒

各一分汗

右五味搗下篩先食吳茱萸一分以酒服一撮忌生

葱

又療鼠瘻瘰癧身熱方

豬椒 二十斤

右一味以水淹足煎熟去滓置瓶中覆瓶口以瘡當上熏候熱極乃止痛膿血鼠當從瘡出便愈

又寒熱鼠瘻瘰癧散方

狸骨 炙

龍骨 各五分

躑躅 熬半兩

鼠粘子

當歸

王不留行

土瓜根

各一兩

右七味搗合篩先食酒服方寸匕日再夜一

並出第四十二

中卷

集驗療鼠瘻及瘰癧膏方

白馬牛羊豬雞等矢屑

各一斤

漏蘆

藁本

各一斤

右七味並於石上燒作灰研絹篩之以豬脂一升三合煎亂髮一兩半令沸髮盡乃內諸藥屑微火上煎

五六沸藥成先去瘡上痂以鹽湯洗新綿拭瘡令燥
 然後傅膏若無痂猶須湯洗日再若著膏當以帛覆
 無令風冷神驗瘰癧以膏傅上亦日再
古今錄驗 范汪同
 又療寒熱瘰癧散方

白曾青

兩半

當歸

防風

括萋根

芎藭

黃芪

狸骨

甘草

炙各二兩

細辛

乾薑

露蜂房

各一兩炙

礬石

燒半日

大附子

炮

荏子

各半兩

斑猫

去首足羽熬

芫青

去首足羽

各五
枚熬

右十六味擣下篩為散以酒服一錢七日再忌豬肉

冷水海藻菘菜

古今錄驗范汪同
並出第八卷中

又療鼠瘦方

蛇腹中鼠蝦蟇燒末酒服方寸匕甚効

又方

以榭葉擣末傅腫上熱炒鹽慰之即消良効

並出
第五

卷中

毒腫癰瘰方四首

崔氏大五香湯療毒氣苦肌肉中腫痛結脈寒熱如癰
 瘰癧痛不可近急者數日殺人苦心煩悶便當急速與湯
 并以滓薄腫脈上方

青木香

雞舌香

沉香

升麻

各五分

藿香

犀角

屑

吳茱萸

桂心

麻黃

甘草

炙各三分

薰陸香

四分

細辛

二分

右十二味㕮咀以水七升煮取二升分三服不差復

合若薑薑惡寒加附子中形者一枚炮令坼八破用
忌生冷菘菜海藻豬肉冷水生菜五辛古今錄
驗同
又五香湯療毒腫瘰癧方

麝香

研

青木香

雞舌香

藿香

薰陸香

當歸

黃芩

升麻

芒硝

各三分

大黃

五分

右十味以水六升煮取二升去滓內硝分二服
相去如人行七八里再服諸卒尸注惡氣亦療

出第
五卷

中

經心錄射干湯療惡毒身強痛癩瘰方

射干

桂心

各二兩

麻黃

去節

生薑

甘草

炙各四兩

杏仁

四十箇去皮尖

右六味切以水四升煮取三升去滓分三服忌同前

出第五

卷中

又升麻湯療風毒咽水不下及療癩腫方

升麻

芍藥

各四兩

射干

三兩

杏仁

去尖皮三兩

麻黃

去節 二兩

甘草

炙 二兩

楓香

葛根

各 三兩

右八味切以水八升煎取半分三服忌同前

出第三卷中

灸瘰癧法六首

千金灸瘰癧法

兩腋中患瘰癧處宛宛中百壯上

又法

擣生章陸根捻作餅子置漏上以艾炷灸餅子上

乾熟易之灸三四炷

又法

灸五里大迎各三十壯

又法

葶藶三合

豉一升

右二味合擣令極熟作餅如大錢厚二分許取一枚當瘡孔上作艾炷如小指大灸餅上三壯一日易三

餅九炷隔三日一灸

翼同古今錄驗兼主癩不可灸頭瘡葶藶氣入腦殺人劉涓子

同

又法

一切瘰癧在項上及觸處但有肉結凝以作瘻瘡及癰節者以獨頭蒜截兩頭留心作孔大艾炷稱蒜大小貼瘰子上灸之勿令上破肉但取熱而已七炷一易蒜日三易日日灸之取消止

翼同

又方

七月七日日未出時取麻花五月五日取艾等分

合搗作炷灸瘰子一百壯

並出第二十四卷中

九瘻方三十一首

廣濟療瘻有九種不過此方

芫青

四足

海藻

八分洗一

昆布

八分洗

雄黃

八分研

狸骨

三分炙

牡蠣

四分熬

地膽

二十枚熬

青木香

三分

右八味擣篩為散酒服一錢七日二服病從小便出

如爛筋忌生冷粘食豬魚肉陳臭物

出第五卷中

劉涓子療鼠瘻方

死蟻娘

燒作灰

右一味苦酒和塗之數過即愈先以鹽湯洗

古今錄驗千金

同

又方

五月五日樓桃擣末先鹽湯洗拭之令乾以末傅

瘡上

樓桃未詳

又方

烏頭

炮

附子

炮各二兩

右二味咬咀著五升淳苦酒中漬之待乾復內苦酒

中燥復內以苦酒盡暴令乾擣末酒服方寸匕日三
忌豬肉冷水等

又張子仁療鼠瘻要方

柞木皮五升

右一味以水一斗煮熟去皮煎令汁得二升稍稍服

盡當有宿肉出即愈備急文仲古今錄
同並出第六卷中

肘後療苦鼻內肉外查瘤膿並出者是蜂瘻方

取蜂房火炙焦末酒服方寸匕日一

深師療鼠瘻方

鱧魚四兩

野豬皮

瞿麥一兩

巴豆

十五枚

斑猫

二十枚去頭足羽熬

五月五日蟾蜍

一枚

臘月豬脂

五分

右七味搗野豬皮下篩合諸藥更搗下篩內鱧魚以膏和搗干杵平旦未食服如梧桐子二枚覺者寒熱不覺暮復投明日旦起更服三九稍稍增之慎勿食熟食煩悶殺人蟲當從小便出以堪盛之尿便視

乃有百數耳不可以見亦大便出此方驗忌豬肉蘆

笋等

又方

馬齒礬石燒 真珠粉

右二味搗下篩為散厚塗瘡上不過三愈

又方

松脂

硫黃

狼毒

各二兩

豬腦

一具

白斂

二兩

右五味熬豬腦取汁狼毒白欵咀以水三升煮取
一升內腦汁中煎令得五合細末硫黃松脂下篩內
中攪令相得綿裹內瘡中七日知二七日病除神良
集驗凡有九種瘻

一曰狼瘻始發於頸頭腫有根起於缺盆上轉連耳根
腫大此得之因憂恚氣上不得下其根在肺空青主之
商陸為佐

二曰鼠瘻始發於頸無頭尾如鼯鼠瘻核時上時下使

人寒熱脫肉此得之由食大鼠餘毒不去其根在胃狸骨主之知母為佐

三曰螻蛄瘻始發於頸項狀如螻蛄腫潰連生瘡其汁赤黃得之食瓜螻蛄餘毒及果實不去核其根在大腸荏子主之桔梗為佐

四曰蜂瘻始發於頸瘰癧三四處俱腫起相連潰潰移此得之多飲流水水有蜂餘毒不去其根在脾雄黃主之黃芩為佐

五曰虵蝮瘻始發於頸初得之如傷寒此得之因飲食中有虵蝮毒不去其根在腎礬石主之防風為佐

六曰疥蝨瘻始發於頸上下無頭尾如棗核塊塊多在皮中使人寒熱心痛滿此因喜怒哭泣得之其根在心礬石主之白朮為佐

七曰浮疽瘻始發於頸如兩指使人寒熱欲卧此得之因思慮憂憶其根在膽地膽主之甘草為佐

八曰瘰癧瘻始發於頸有根初苦痛瘰癧覺之使人寒

熱得之新沐頭濕結髮汗流入於頸所致其根在腎雌黃主之芍藥為佐

九曰轉脈癭始發於頸如大豆浮在脈中濯濯脈轉苦驚惕身如振寒熱始得之時驚卧失枕其根在小腸斑猫主之白芷為佐

療癭九種方

空青研鍊之

商陸根

狸骨炙

知母

荏子

桔梗

雄黃

黃芩

礬石 燒

防風

礬石 燒汁 盡

地膽 熬

白朮

甘草 炙

雌黃

芍藥

斑猫 去足 羽熬

白芷 各二 分

右十八味擣其論病者特加其分餘種令分等細篩末空青最在後內之苦酒服一刀圭日三服三十日知五一日愈七十日平復病者百日禁食魚肉忌生菜桃李雀肉海藻菘菜犬肉生血物餘二大豆為一刀圭小兒服之半大人全服八歲以下寧從少起過

度令人淋淋即減之

出第九卷中

千金問曰何謂九瘻答曰一曰狼瘻二曰鼠瘻三曰蝮

蝮瘻四曰蜂瘻五曰虺蝮瘻六曰蟻螬瘻七曰浮疽瘻

八曰瘰癧瘻九曰轉脈瘻謂之九瘻

又瘰癧瘻發於頸頭腫有根起於缺盆上轉連延耳根

腫大此得之因憂恚氣上不得下其根在肺空青主之

商陸為佐方

空青

研二分

蝮腦

二分炕之

獨活

一分

蝮肝

一具乾之

芎藭

兩半

女婦草

一分

黃芩

鼈甲

炙

斑猫

去翅足

乾薑

當歸

茴香

礬石

燒

地膽

各一分

蜀椒

三十去汗

右十五味作散下篩酒服方寸匕日三十五日即止

忌生血物菹菜

劉涓子古今錄驗同

又療鼠瘻發於頸無頭尾如鼯鼠使人寒熱此得之因食大鼠餘毒不去其根在胃狸骨主之知母為佐方

陵鯉甲

炙

山龜殼

炙

甘草

炙

桂心

雄黃

乾薑

等分

右六味作散下篩服方寸匕日三蜜和內瘡中無不

愈先灸作瘡後與藥良忌海藻生葱

劉涓子備急古今錄驗文仲同

又療鼠瘻瘡差復發及不愈出膿血不止方

以不中水豬脂咬咀生地黄內脂中令其脂與地

黃足相淹和煎六七沸去滓桑灰汁淨洗瘡去惡

汁以地黃膏塗上日一易

范注同

又療鼠瘻方

得蛇虺所吞口中鼠燒末服方寸匕日再不過三
服此大驗但難遇耳并傳瘡中

范汪同

又療鼠瘻方

死鼠一枚

中形者

亂髮

如雞子一枚

右二物以臘月豬膏令淹鼠髮煎之令其鼠髮都盡
消膏成分作二分一分稍稍塗瘡一分以酒服之即

愈矣鼠子當從瘡出神良秘不傳

翼備急文仲集驗范汪同

又療螻蛄瘻發於頸項狀如螻蛄腫潰連生瘡其汁赤

黃此得之食瓜螻蛄餘毒及果實不去核其根在大腸

荏子主之桔梗為佐方

桂心

乾薑

桔梗

礬石燒

獨活

各一分

附子

一分

椒

一百粒汗

芎藭

半

龍骨

半

荏子

一分

右十味擣下篩棗二十枚合擣以酢漿丸如大豆温

漿下五丸

古今錄驗
劉涓子同

又方

槲葉灰先以泔清者煮槲葉取汁洗拭乾內灰瘡中
又療蜂瘻發於頸瘰癧三四處俱腫起相連潰潰移此
得之飲流水有蜂毒不去其根在脾雄黃主之黃芩為
佐方

蜂房 一具
灸

鼈甲 一分
灸

茴香 一分

吳茱萸 二分

椒 一百粒
汗

乾薑 一分

右六味擣下篩作散傅瘡孔中日十度十日止忌覓

菜

又療蜂癭初生時狀如桃而痒搔之則引大如雞子如覆手者方

熬鹽熨之三宿四日不差至百日成癭其狀大如四五寸又廣三寸中生蜂作孔乃有數百治法以石硫黃隨多少然燭燒令汁出著瘡孔中須臾皮中見蜂數十唯蜂盡即差

又療虻蜂癭發於頸初得如傷寒此因食中有虻蜂毒不去其根在腎巖石主之防風為佐方

白朮

四分

知母

雌黃

乾地黃

獨活

青黛

斑猫

去首羽
足熬

白芷

栝脂

芍藥

海藻

一云
海苔

當歸

各一分

蝟皮

四分
炙

椒

一百粒
去汗

桃白皮

一分正
旦取

右十五味擣下篩作散服一錢匕日三

劉涓子占
今錄驗同

又療蠱蝮癭發於頸無頭尾如棗核塊塊多在皮中使

人寒熱心痛滿此因喜怒哭泣其根在心礬石主之白

朮為佐方

白朮 一分

礬石 一分

空青 兩三

當歸 二分

細辛 一分

蝟肉 炙

枸杞根

斑猫 去翅

足熬

地膽 各一分

分熬

乾烏腦 三大

豆

右十味搗下篩散服方寸匕日三酢漿服之病在上

側卧在下高枕卧使藥流下

劉涓子古
今錄驗同

七曰浮疽癭發於頸如兩指使人寒熱欲卧得之因思

慮憂憶其根在膽地膽主之甘草為佐方

雄黃 一分

乾薑 一分

龍膽 二分
作龍骨

石決明

續斷

菴藺根

各分

細辛

二分

大黃

半分

地膽

一分
熬

右九味擣下篩為散傅瘡日四五忌生菜

劉涓子同
古今錄驗

無雄黃有

硫黃餘同

又療瘰癧瘦發於頸有根初苦痛歷歷覺之使人寒熱
此得之新沐頭濕鬢髮汗流入於頸其根在腎雌黃主
之芍藥為佐方

茯苓

續斷

礬石

燒令
汁盡

乾薑

雌黃

芍藥

桔梗

椒汗

乾地黄

常山

空青

狸肉

烏腦

并腎肝

斑猫

去翅足熬各一分

附子

一兩炮

礬石

二分燒半日

虎指

各一分一云虎腎

右十七味搗篩為散蜜丸如大豆夜酒服十九日三

古今錄

驗同

又療轉脈癭發於頸如大豆浮在脈中濯濯脈轉苦驚
惕身如振寒熱得之於驚卧失枕其根在小腸斑猫主

之白芷為佐方

綠青 二分

礬石 半日 半燒

防風 一分

甘草 半分

大黃 二分

桂心 二分

人參 二分

當歸 二分

升麻 一分

地膽 一分 熬

白朮 一分

鍾乳 一分 研

斑猫 一分 翅足 去

白芷 一分

續斷 一分

麝香 一分

麥門冬 一分 去心

右十七味擣下篩蜜丸酒服如大豆十九日三勿食

倉米慎房百日

劉涓子古今錄驗同
並出第二十四卷中

崔氏療九種瘰癧方

芫青

二十枚去足翅熬

地膽

十枚去足羽熬

斑猫

三十枚準上

生犀

如棗核大屑

豉

四十粒

大豆黃

一百枚生用

牛黃

棗核大

蜈蚣

一枚肥大者折取一寸半微火熬

右八味擣篩蜜丸如梧子初欲服藥少夜食明日飲

服二丸須臾可煮酢漿薄粥稍稍冷飲之其瘰癧蟲有

形狀皆從小便出至日西甚虛悶可煮湯食蔓菁菜

羹醬食之其餘脂膩醋脯一切口味五辛果子之類

並不得食人強隔日一服人弱兩三日一服服藥以
瘡差蟲盡為度若差仍作二十日許將息藥欲盡豫
合勿使斷絕藥氣不能將息便不須服
救急千金同
出第五卷中

張文仲療鼠瘻方

石南

生地黃

雌黃

茯苓

黃連

各二
兩

右五味作散傳瘡日再

備急
同

又療鼠瘻諸惡瘡方

苦參 三斤

露蜂 五兩

麴 二升

右三味以水三斗漬藥三宿去滓黍米二升釀熟飲

日三一方得蝟皮一具

劉涓子同並出第五卷中

備急劉涓子鼠瘦方

山龜殼 炙

桂心

雄黃

乾薑

狸骨 炙

甘草 炙

右六味等分擣篩為散飲服方寸匕日三蜜和內瘡

中無不愈先灸作瘡後與藥良

又方

礬石

三分 燒

斑猫

一分 去首 足羽熬

右二味搗下篩用酢漿服半匕須臾瘰蟲從小便出

刑繁文仲同

出第五卷中

古今錄驗療鼠瘻麝香塗方

麝香

研

雌黃

研

右二味等分並為散取蝦蟇背白汁和塗瘡孔中日

一度

又療鼠瘻著頭生小者如杏大者如杯方

斑猫

一分去首
足羽熬

牡蠣

二分
熬

海藻

四分先
去鹹味

右三味擣下篩酒服五分匕日三病當從小便出如

魚胞忌蒜

並出第四
十一卷中

諸瘻方一十五首

劉涓子瘻腫病方

斑猫

四十枚去
足翅熬

桂心

四分

芫青

十枚
去足

翅熬

葛上亭長

三十
枚熬

右四味搗下篩酒服半錢七日一忌生葱

又療瘰方

斑猫 四十枚去足羽熬

地膽 三十枚去首足翅熬

蜥蜴 三枚炙

右三味搗之干杵蜜和如大豆服二丸

又療瘰衆方不差効驗方

牡蒙 數兩

右一味搗之湯和適寒温取一升許薄瘡上冷易經

宿佳

又療癩生肉膏方

桑薪灰三升水四升淋之復重淋之取三升石灰
熬令黃內灰汁中以兩重帛裹絞去滓更魚目煎
取二升勿用急火煎隨癩孔深淺初時作服散而
差孔若深四寸新藥與孔裏薤白使濡安藥薤白
入藥孔裏若深四寸隨癩根而灸兩處每處與四
十壯唯勿灸癩孔隨深淺去膿散與膏安著瘡孔

裏十五過少遷延日月取差肉滿膿亦斷神良無

比

出第六
卷中

肘後論此本在諸方瘡條中病類既多今狀出為別一篇凡瘰病有鼠蛇蜂蛙蚓類似而小異皆從飲食中得其精氣入人肌體變化成形瘡既穿潰浸諸經脈則亦殺人而鼠蟻最多以其間近人故也

通治諸瘰方

以八月中多取斑蝥蟲即內苦酒中半日許出暴

乾使十取六七枚著銅器中微火上遙熬令熟搗
 作屑巴豆一粒去皮熬之又拔取黃犬背上毛二
 七枚亦熬作屑好朱以錢五分匕都合和以苦酒
 頓服之蟲當盡出若一服未効先時可預作三兩
 劑後日服遠不過三兩劑

通按朱一作未

又方

虎薊根

杜蘅

枳根

酸棗根

各一

把

斑猫

一枚一方云三分去頭足翅熬

猫薊根

各一

把

右六味搗蜜丸日一服如棗一枚以小丸著瘡中

又方

若先著下部邊或上出耳後頸項諸處者苦參切五升以苦酒一斗漬三四日宜服一升亦加之但多作以知為度不過三四度必差

又療癭方

榘木皮長一尺闊六寸去黑皮細切以水一斗煮

取五升去滓內白糖十挺煎取一升分三服以銅器接吐出看視之

又方

新生兒矢一百日以來皆收置蜜器中五十六十日取塗瘡孔中

又方

鯉魚腸切作五段火上脫之洗瘡拭乾以腸封之冷即易自暮至旦乾止覺痒開看蟲出差

崔氏療瘰方

槲白皮

切取
五升

右一味以水八升煮令泣泣絞去滓重煎令成膏日服半棗漸加至一棗許亦著瘡上無忌患瘡唯宜煮

飯苜蓿鹽醬又不得多食之

出第五
卷中

備急療瘰生肉膏方

棟白皮

二兩

鼠肉

二兩

薤白

三兩

當歸

四兩

生地黄

五兩

右五味以臘月豬膏三升煎薤白黃色膏成傅瘡孔

上令生肉 肘後文 仲同

又葛氏云苦著口裏方

棟木東引根切

右一味水煮取濃汁含之數吐勿咽 肘後同並出 第五卷中

備急療諸瘻方

取葶藶子擣細羅取好白蜜和丸每欲著藥先温泔洗著瘡孔中以丸內之若塞以物道開日三度

瘡痛是差候勿停藥大効

出第五
卷中

必効療諸瘻方

先以泔清溫洗以綿拭之取葵葉微火煖貼之引
膿不過三二百葉膿盡出即肉生王丞頻用大奇
効

腋臭方三十七首

病源人腋下臭如葱豉之氣者亦言如狐狸之氣者故
謂之狐臭此皆血氣不和蘊積故氣臭

出第三十
一卷中

肘後療人體及腋下狀如狐鼠氣世謂之胡臭方

炊甑飯及熟丸以拭腋下臭仍與犬食之七日一

如此即差

文仲備
急同

又方

煮雞子兩枚熟去殼及熟各內腋下冷棄之三路

口勿反顧三為之

文仲備
急並同

又方

燒好礬石末絹囊盛之常以粉腋下不過十度

小品

集驗文仲

備急同

又方

青木香

二兩

附子

一兩

礬石

半兩 燒

白灰

一兩 半

右四味細末著粉腋下汗出因以粉之亦差

又方

青木香

一斤

石灰

半斤 熬

右二味常以粉身亦差並擣末傅之

又方

乾薑

胡粉

白灰等分

右三味合作末粉之

范汪同並出
第五卷中

千金療胡臭漏腋有天生胡臭有為人所染臭者天生者難療為人所染者易差然須三年傳白礬散勿止并服五香丸乃可得差勿言一度傳藥即差止可傳藥時暫得一度差耳凡胡臭人通忌食芸薹五辛療之終身不差胡臭方

辛夷

芎藭

細辛

杜蘅

藁本 各三分

右五味㕮咀以苦酒漬之一宿煎三日取汁傳之以

差為度 小品集驗必効范汪同

五香丸主口臭及身臭止腫痛散血氣方

豆蔻子 丁香 藿香 白芷

青木香 當歸 桂心 各一兩 零陵香 一兩

甘菘香 二分 香附子 二兩 檳榔 二枚

右十一味擣下篩蜜丸如大豆日三夜一時含之咽

津五日內口香十日身香二七日衣被香三七日下

風人聞香四七日靜洗手水落地香五七日把他入

手亦香禁五辛下氣去臭第一 出第六卷中

又石灰散主胡臭方

青木香 楓香 丁香 薰陸香 各二

兩 陽起石 橘皮 各三兩 礬石 四兩 燒

石灰 一升 熬

右八味擣下篩以綿作篆子麤如四指長四寸展取

藥著上即以絹囊盛之繫著臂先以布拭揩令痛然後夾之

又方

水銀胡粉面脂研和傅之大驗

救急同

又方

辛夷

細辛

芎藭

青木香

右四味等分擣下篩作散熏畢粉之

又方

伏龍肝作泥傅之良

又方

牛脂和胡粉三合煎令可丸塗腋下宿即愈

集驗

同

又方

三年苦酒和石灰傅之

又方

赤銅屑以酢和銀器中炒極熱以布裹熨腋下冷

復易差止

又方

附子炮

石灰熬

青木香三兩

礬石三分燒

米粉一升

右五味搗篩常粉之

又方

馬齒草一束

右一味搗碎以蜜和作團以紙裹之以泥糊紙厚半

寸暴乾以火燒熟破取更以少許蜜和使熱勿令冷
先以生布揩之夾藥腋下痛久忍不能得然後以手

中勒兩臂差

出第二十
五卷中

崔氏療胡臭有效方

先用泔清淨洗又用清酢漿水淨洗訖微揩使破
取銅屑和醎酢熱揩之不過三四度差

又方

胡粉

銅青

右二味等分研以人乳和塗腋下若成瘡且停瘡差

又塗以差為度

出第四卷中

張文仲療胡臭若股內陰下常汗濕且臭或作瘡者方

但以胡粉一物粉之即差常用大驗

備急同

又隱居効驗胡臭方

雞舌香

藿香

青木香

胡粉

各二兩

右四味搗散作粉綿裹內腋下常傅即差

備急同出第七卷中

救急療腋臭方

銅屑一升

石灰三升

右二味合和囊盛粉之有汗便粉之

又方

甘草炙

松根白皮

甘瓜子

大棗

各四分

右四味為散食後服方寸匕日三

出第三卷中

又方

雞矢

白礬石

熬令汁盡

黃礬

熬

附子

炮

木蘭皮

青木香

各一大兩

右六味搗為散粉之又石龍衣一大兩蛇蛻皮是也
以子日夜半燒為灰服之

又方

常以鹽綠和醎酢塗之一遍一年再塗永除以胡
粉和水銀和令相入塗腋下十日以來無氣

中

出第
八卷

又方

黃礬

細辛

芎藭

各二
兩

雄黃

一
兩

右四味擣下篩為散先以泔清洗腋拔去毛令血出

以粉腋下 出第九卷中

必效療腋臭方

好硃砂 二兩

好白礬 熬

蜜陀僧 各三兩

酢酪 二兩

胡粉 二分

金屑 八分

鈇錫

生銅屑 各二分

分

右八味並研令細酢一升新銅器中盛藥密封其口

二七日看上青綠色鬱鬱然其藥即成還須研令極

細至用時若乾更以好酢和藥以塗病處若有毛先
拔去以石灰水淨洗拭使乾以生布揩令微赤可作
瘡一日一塗洗遠不過十日即待腋瘡差訖更取銅
屑細研成粉粉病處日五六即止病差終身不得帶
麝香食胡荽

又方

取五月五日承露百草陰乾火燒為灰用井華水
和灰為團重火鍊如燂灰色鍊訖即以醎酢和為

餅厚如掌大小徑二寸以來即於兩腋下挾即易
夾時一身連頭並悶二日後若病不差復著藥微
發亦不甚臭還依法療之永斷

又金錯屑塗法

金錯屑一銖

銀錯屑一兩

赤銅屑

香附子

胡粉

錢錯屑各一兩

三年醋三升

右七味以羊酪一升於銅器中煮得二沸以用塗之

又方

三年醱酢

升二碎銅斤一

鹽合半

灰合二

右四味浸藥攪藥色青即塗腋下日三四塗三日小
愈一月全差

又方

大銅錢

文二七

白梅

箇二七

鹽

升一

右三味以五月五日水一升共置瓶子裏掛戶上百
日畢可取用塗不得婦人為塗藥食粘食蒜發

又方

以酢五合內銅器中以錢十四文胡粉五銖置中
泥頭七日後以粉十銖和之訖去腋下毛日再傳
之合藥勿令人見秘之

又方

以首子男兒乳汁浸鹽研銅青拔去毛使血出塗
差

又方

醎醋浸青木香置腋下夾之即愈

又方

錢三七文

胡粉三兩

馬齒草粗莖三兩 青木香二兩

大酢半升

右五味切先以醋漬錢五六日然後總漬諸藥一物煮五六沸置坩器中先以石灰汁洗病處拭乾訖塗

之以差為度並出第三卷中

古今錄驗療胡臭青羊脂粉方

胡粉

銅青等分

右二味先以鹽湯洗兩腋下及著藥且淋洗又以青羊脂和傳數日差

又錢汁傳方

錢二十七文

右以礪石磨令平以夾腋下神良

范汪同並出第三十卷中

漏腋方三首

病源腋下常濕仍臭生瘡謂之漏腋此亦是氣血不和

為風邪所搏津液蘊瘀故令濕臭

出第三十一卷中

集驗療漏腋腋下及足心手掌陰下股裏常如汗濕致臭六物胡粉傳方

乾枸杞根

半兩 胡粉

乾商陸根

一兩 滑石

乾薔薇根

半兩 甘草

右藥搗下篩以苦酒和塗腋下當微汗出易衣復塗著藥不過三傳便愈或更發復塗之不可多傳傷人

腋餘處亦塗之

小品文仲備急范汪同出第九卷中

經心錄漏腋方

正朝旦以小便洗

文仲備急集驗小品范汪千金同

又方

擣馬齒草腋下夾之令燥後復易之先用雌黃石
灰等分合水煎一兩沸如泥泥之毛落然後塗諸

藥良

並出第五卷中

七孔臭氣方三首

千金療面目口齒七孔臭方

沉香

五兩

甘草

二兩炙

白瓜瓣

半升

芎藭

二兩

丁香 五兩

兩

藁本 二兩

兩

麝香 二兩

兩

當歸 二兩

兩

右八味搗下篩蜜丸食後含如小豆五粒日三秘不

傳久服令人舉體皆香

救急同出
第六卷中

救急療人七孔臭氣方

甘草 五分

灸

芎藭 四分

分

白芷 三分

分

右三味作散下篩食後飲服方寸匕日三

又方

瓜子仁 一分

芎藭

藁本

當歸

杜衡 各一兩

細辛 二分

防風 一分

右七味搗下篩食後溫水服方寸匕日三

令人體香方四首

肘後令人體香方

白芷

薰草

杜若

杜衡

藁本 等分

右五味末之蜜和旦服如梧子三丸暮服四丸三十

日足下悉香

文仲備急
范汪同

又方

甘草 炙

瓜子

大棗

松根皮 等分

右四味擣下篩食後服方寸匕日三二十日覺効五

十日身體並香百日衣服床帟悉香

文仲備急范汪千金同

又方

瓜子仁

芎藭

藁本

當歸

杜蘅

細辛 各二分

白芷

桂心 各五分

甘草 二分

右九味搗下篩食後服方寸匕日三五日口香二十

日肉香 文仲備急同
出第五卷中

千金療諸身體臭方

竹葉 十兩 桃白皮 四兩

右二味以水一石二斗煮取五斗浴即香 出第六
卷中

雜療汗出不止方一十首

集驗療止汗粉藥方

牡蠣 二兩
熬 附子 半兩
炮 麻黃根 二兩

右三味擣篩以白粉一升和合粉汗汗止忌豬肉
又汗後遂漏不止其人惡風小便難四肢微急難以屈
伸桂枝加附子湯方

大棗 十三枚

附子 一枚

桂心 三兩

芍藥 三兩

生薑 三兩

甘草 二兩

右六味切以水七升煮取三升溫服一升

延年同此本張仲景

傷寒論方

千金止汗方

青松葉一斤

右一味搗令汁出清酒一升漬二宿近火一宿初服

半升漸至一升頭面汗即止出第八卷中

延年澤瀉湯療大虛煩躁止汗治氣方

澤瀉

茯苓各二兩牡蠣熬

白朮各兩

生薑半升

右五味切以水八升煮取二升分服一升日再服

又都梁散療汗出如水及汗出衄血吐血小便血殆死

方

都梁香 二兩

紫菀

人參

青竹茹

茯苓 各一兩

乾地黄 二兩 熬令燥

右六味搗下篩水服方寸匕不効須臾再服忌蕪荑
又療大病之後虛汗不可止方

杜仲

牡蠣 等分 熬

右二味搗下篩向暮卧以水服一錢匕午前汗止者
不再服服之令人乾燥若汗不止者復服一錢不過

再必愈有驗天行及百病後虛吸漏汗遂服之無不
止者

又療大病後虛汗出不禁者方

梁粉

豉等分
焦炒

故竹扇

如手掌大
燒取灰

右三味合搗以絹囊盛粉體立止最驗當先熬末粉

之

千金
並同

又粉散療大病後身體虛腫汗出止汗方

麻黃根

三兩

防風

乾薑

細辛

各二兩

白歛一兩

右五味合下篩以粳粉五升熬令黃合和以粉身

出第

十一

卷中

古今錄驗療汗出不止朮桂散方

麻黃

桂心

各五分

白朮

附子

炮

菖蒲

各三分

右五味搗末酒服方寸匕日三未食服

又止汗熱雷丸散方

雷丸

桂心

牡蠣

各五分熬

右三味搗下篩粉身日三

出第二十卷中

外臺祕要方卷二十三

欽定四庫全書

外臺秘要方卷二十四

唐 王燾 撰

癰疽方一十四首

集驗癰疽論黃帝曰夫子言癰疽何以別之岐伯答曰
榮衛稽留於經脈之中則血泣而不行不行則衛氣從
之從之而不通壅遏不得行故熱大熱不止熱勝則肉
腐肉腐則為膿然不能陷肌膚於骨髓骨髓不為焦枯

五臟不為傷故命曰癰黃帝曰何謂疽岐伯答曰熱氣
純盛下陷肌膚筋髓骨肉內連五臟血氣竭盡當其癰
下筋骨良肉皆無餘故命曰疽疽者其上皮夭瘵以堅
亦如牛領之皮癰者其上皮薄以澤此其候黃帝曰善

出太素第
十六卷中

經言五藏不調致疽六腑不和生癰一曰燔疽急者二
三日殺人緩者十餘日殺人二曰癰疽急者十餘日殺
人緩者一月死三曰緩疽急者一年殺人緩者數年四

曰水疽所發多在手足數年猶可療疽者數十種要如此于氏法癰之疾所發緩地不殺人所發若在險地宜令即外消若至小膿猶可療大膿致禍矣

一為腦尸 二為舌本 三為玄癰 四為喉節

五為胡脉 六為五藏俞 七為五藏繫

八為兩乳 九為心鳩尾 十為兩手魚

十一為腸屈之間 十二為小道之後

十三為九孔 十四為兩膈腸

十五為神主之舍

一本云主客之舍

凡十五處不可傷而況於癱乎若癱發此地遇良醫

能不及大膿者可救至大膿害及矣

范汪同

候賊風證但夜痛應骨不可按抑不得迴轉痛處不壯

熱體亦不乍寒乍熱但覺體疹疹然冷欲得熱熱慰痛

處即小寬時有汗此是賊風證也宜即得針灸服療風

藥溫也

方在療風候上大法宜知二候如此也

又初得附骨疽即服漏蘆湯下之傅小豆薄得消也

又下利已腫處未消者可除大黃用生地黃及乾地黃
隨時也熱漸退餘風未歇者可服五香連翹湯除大黃
餘熱未消可傅升麻膏佳若失時不消成膿者用火針
膏散如療癰法又有膈疾喜著四肢其狀赤脉起如編
繩急痛壯熱其發於脚者喜從躡蹠起至踝赤如編繩
謂之膈病也又其發於臂者喜腋下起至掌也皆由四
肢勞熱氣盛為涼濕所折風結筋中成此疾也不即療
取消潰去膿則筋攣縮也其若但置不消復不潰其熱

歇氣不散喜變作膈也

又療之宜服漏蘆湯令下外以鋒針針去血氣針寫上結脉處傅小豆薄則消也皆可依療丹法消之及潰成膿出火針傅膏散如療癰法也

又亦用甘蕉根薄之差

又癰發腫高者病源淺腫下者病源深大熱者易療小熱者難療初便大痛傷肌晚乃大痛傷骨都堅者未有膿半堅半軟者有膿發腫都軟血瘤也非癰發腫以漸

知長引日月亦不大熱時時牽痛瘤也非癰吳音曰謂
諸氣結亦有腫久久不消成癰療之宜散氣氣已散若
初腫處有浮氣年衰皆發癰療之宜及年盛竝折散熱
可無此憂

于氏法夫癰疽脉洪麤難療脉微濇者易療諸浮數之
脉應當發熱而反惡寒者癰也此或附骨以有膿也

趙乃言無虛勞腹中疾或發血瘤瘡瘡狀墳起頭墨正
爾置不當灸療療之火熨便焦爛剝刮去焦加則血泄

不可禁必死癰起於節解遇頑醫不能即消令至大膿者豈膏藥可得復生乎

又發癰堅如石走皮中無根瘰癧也久不消因得他熱之疾時有發為癰也

又發癰至堅而有根者名為石癰瘰之法當服酒非酒即藥勢不宣但當稍飲取令相得和散便止凡癰腫有肥人用貼宜栝蒌根和平體宜赤小豆貼方

以赤小豆五合內苦酒中熬之畢擣為散以苦酒

和之塗拭紙上貼腫從發腫兩頭以下

范汪同

又論少小有渴年四十以外多發癰疽有膈痰而渴者

年盛必作黃疸年衰必發癰疽也

范汪同

又黃帝曰願聞癰疽之形與其期日岐伯曰畧說癰疽之極者十八種

又癰疽發咽名曰猛疽猛疽不療則化血為膿膿不寫塞咽半日死其化膿者寫已則含豕膏無冷食三日而已一去無食

又發於股脗名曰股脫疽其狀不甚變而癰腫膿搏骨

不急療三十日死

髀內曰股股外曰髀膝上股下骨稱曰股脗也

又發於脇名曰改訾改訾者女子之疾也久之其狀大癰膿其中乃有生肉大如赤小豆療之方

劉連翹草及根各一升以水一斗六升煮令竭取三升即強飲厚衣坐釜上令汗出至足已

又發於尻者名曰銳疽其狀赤堅大急療之不療三十日死

又發於脛者名曰兔囓其狀赤至骨急療之不療害人
又發於足上下者名曰四淫其狀大如癰不急療百日
死

又發於肩及臑者名曰疵疽其狀赤黑急療之此令人
汗出至足不害五藏癰發四五日逆熇之

上灸百壯石子當碎出也不出可益壯

從癰發高下以
後范汪並同

又石癰者始發皮核相親著不赤頭不甚堅微痛熱熱
漸自歇便堅如石故謂之石癰難消又不可得自熟縱

愈皆百餘日也又發癰兩頭牽而旁推無根者又不痛
結筋非癰也發癰狀如蚊雖極大此肉瘤非癰也腫一
寸至三寸癰也三寸至五寸癰也五寸至一尺癰疽也
一尺至三尺名曰竟體疽腫成膿九孔皆出諸氣憤鬱
不遂志欲者多發此疾癰及疽血瘤鼠乳石癰結筋瘤
瘻皆不可就針角針角少不及禍者

凡癰疽之疾未見膿易療之當上灸三百壯四邊間子
灸各二百壯實者可下之虛者可補之有氣者下其氣

服占斯內塞散得愈絕房三年凡癰瘡審知膿者破之
皆當近下邊膿出後當膏藥兌之常使開潤勿令燥合
也若其人羸勿一頓盡膿徐徐令後稍出乃盡癰方潰
其上皮薄人喜當上破之此終不愈當下破之乃得膿
耳勿要其皮厚也凡癰有膿當破無膿但氣腫若有血
慎不可破針灸也按之四邊堅中軟此為有膿潘也一
邊軟亦有膿都堅者此為苴核或但有氣也都軟者此
為有血血瘤也當審堅軟虛實為要若堅疽積久後若

更變熟偏有軟處不可破者疽當暖裹置耳若灸刺破

療必暴劇不可救及結筋腫馳偽切肉鼠乳皆不當療也

又服內塞散不與他療相害晝夜十餘度服散當以酒

又發於腋下堅赤者名曰米疽療之用砭石欲細而長

疎啟之塗以豕膏六日已勿裹其癰堅而不潰者為馬

刀挾纓急療之太素經曰頸前已纓

又發於股陰者名曰赤弛不急療六日死在兩股之內

不可療一云六十日死

又發於膝者名曰疝疽其狀大癰色不變寒熱如堅石

勿石石之死須其柔色異乃石之者生

冷石熨之柔乃破之準例之也

又諸癰腫之發於節而相應者不可療

大素經云膈八節門故不可療

也

又發於陽者百日死

又發於陰者三十日死

丈夫陽器曰陽
婦人陰器曰陰

又發於踝者名曰走緩其狀肉色不變數石其輸而止

其寒熱不死

又發於足傍者名曰厲疽其狀不大初從小指發急療

之去其黑者不消輒益不療百日死云足側也

又發於胸者名曰背疽狀如大豆三四日起不早療下

入腹入腹不療十日死太素經云寒熱不去十日早死

又發於足指者名曰脫疽其狀赤黑死不療不赤黑可

療療不衰急斬去之得活不去者死

又發於膚者名曰舌疽其狀如穀實瓜萑常苦寒熱急

療之去其寒熱不療十歲死死後出膿

又發於頸者名曰天疽其狀大而赤黑不急療則熱氣

下入淵腋前傷任脉内熏肝肺十餘日死

太素經曰項曰前曰頸

一云發頭

以前十
八種並

千金論曰夫癰疽初發人皆不以為急此實竒患唯宜速療若療不速病成難救以此致禍者不一發皆外皮薄為癰皮厚為疽宜急治之夫癰壞後有惡肉者以豬蹄湯洗去穢次傅食肉膏散惡肉盡傅生肉膏散及摩四邊令善肉速生當斷絕房室慎風冷勞煩待筋脉平

復乃可任意耳不爾新肉易傷傷則重潰發發則禍至
慎之慎之

凡癰疽始發或似小節或復大痛或復小痛或發如米
粒大白膿子此皆微候宜善察之見有少異即須大驚
忙須急治之及斷口味速服諸湯下去熱毒若無醫藥
即灸當頭百壯其大重者火四面及頭上二三百壯壯
數不慮多也復薄冷藥貼膏種種救療必差也

又其用藥貼法皆須當瘡中處開孔口令洩瘡熱氣出

亦當頭以大針針入四分即差

身中忽有痛處似打狀名曰氣痛痛不可忍遊走不住
發作有時痛則小熱痛定則寒此皆由冬受溫風至春
暴寒風來折之不成溫病乃作氣痛也又宜先服五香
連翹湯摩丹參膏又以白酒煮楊柳皮及暖熨之有赤
氣點點刺出血也其連翹湯可服數劑及竹瀝湯勿以
一劑未效便謂即止遂不服耳中間將白薇散佳
素問曰寒氣客於經絡血凝滲澀不行壅結為癰疽也

不言熱之作也其後成癰又陽氣湊集化寒為熱熱盛則肉腐為膿也又以酢和蜂蛤灰塗之乾即易差即止凡腫根廣一寸以下名癰一寸以上名小癰如豆粒大者名疔子皆始作急服五香連翹湯下之數劑即差止

並出第二十三卷中

廣濟療癰疽排膿散方

黃芪

十分膿多倍

青小豆

一分熱口乾倍

芎藭

三分肉不生倍

芍藥

三分

痛不止倍

白斂

三分有膿不合倍

栝萋

三分若渴小便利倍

甘草

三分

灸

右七味為散酒服方寸七日三服不利忌海藻松菜

熱麩魚蒜等

千金同一方
無白斂甘草

又療發癰疽排膿散方

人參 二兩

當歸 二兩

桂心 二兩

芎藭 一兩

厚朴 一兩

甘草 一兩

防風 二兩

白芷 二兩

桔梗 一兩

右九味擣篩為散以酒服方寸七日二服不利若瘡

未合常服之忌生冷菘菜海藻生葱蒜

並出第五卷中

劉涓子療癰疽先宜傳大黃食肉膏方在發背部千金方食惡肉散後用大黃附子等十物者乃是次兌膏方

當歸

芎藭

白芷

各二兩

烏頭

一兩

巴豆

二十枚
去皮

松脂

二兩

豬肪

二分

右七味吹咀內膏中微火合煎三沸已內松脂攪令相得以綿布絞去滓以膏著綿絮兌頭大瘡雖深兌之膿自出就兌盡即生善肉瘡淺者不足兌著瘡中

日三惡肉盡即止

又療癰疽發壞出血生肉黃耆膏方

黃芪 一兩

芍藥 一兩

當歸 一兩

大黃

芎藭

獨活

白芷

薤白

生地黄

各一兩

右九味切猪膏二升半煎三上三下膏成絞去滓傅

兌瘡上摩左右日三文仲同

並出第四卷中

又療癰疽瘡生肉黃芪膏方

黃芪

細辛

生地黄

蜀椒

當歸

芍藥

薤白

白芷

芎藭

丹參 各一兩

猪膏 一升半
臘月者 甘草

茯苓

獨活

黃芩 各一兩

右十五味以苦酒一升二合夏月漬一宿冬月二宿

微火煎三沸煮酒氣盡成傅之

又療癰疽始作便壞熱毒發瘡膏方

羊髓 一兩

甘草 二兩

胡粉 五分一兩
法五兩 大黃 一兩

豬膏 二升

右五味切合膏髓煎二味烱內甘草大黃三上三下
絞去滓內胡粉攪令調和傅瘡上日五度

又療癰疽已潰白芷摩膏方

白芷

甘草

各二分

烏頭

三分

薤白

十五挺

青竹茹

雞子大一枚

右五味切以豬膏一升合煎白芷黃膏成絞去滓塗

瘡四邊勿著瘡中

並出第五卷中

師深内塞散療癰疽潰漏血脉空竭方

黃芪

細辛

芍藥

薏苡仁

白芷

瞿麥

赤小豆

乾地黄

人參

防風

各二兩

右十味切先以新成白苦酒置新器中内赤小豆須
臬出銅器中熬令燥復須内苦酒中更熬凡五反止
合擣為散酒服方寸匕日夜六七過腹痛甚倍芍藥

口未閉倍薏苡仁膿多倍黃芪

出第二十卷中

刪繁療癰疽等毒潰爛猪蹄洗湯方

猪蹄

一具治如食法

薔薇根 一斤

甘草

五兩炙

芍藥

五兩

白芷

五兩

右五味切以水二斗煮猪蹄取八升去滓下諸藥煮

取四升稍稍洗瘡

出第九卷中

千金翼黃帝問曰有疽死者奈何岐伯曰身有五部伏

菟一朮二

一云膊

背三五臧之膺四項五五部有疽死也

刪繁同本

出靈樞

又王不留行散主癰疽及諸雜腫潰皆服之亦療癰腫
不潰苦困無賴方

野葛皮半分

五色龍骨五兩

王不留行子二升千金方用三合

翼云
一升

桂心一兩

當歸二兩

乾薑一兩

栝樓末六合

右七味為散食訖溫酒服方寸匕日三以四肢習習

為度不知漸漸加之此浩仲堪方隨日濟闍黎施行

實為神散癰腫即消此方妙

千金同出第
十四卷中

癰腫方二十五首

集驗療癰腫大按乃痛者病深小按便痛者病淺按之處陷不復者無膿按之即復者有膿若當上破者膿出不盡不盡稍深蝕骨骨碎出當以魚導側際從下頭破令膿出盡出盡則骨生愈矣若惡肉不盡者食惡肉藥去之膏塗之即愈食肉藥方

取白荻灰水淋之煎令如膏此不宜預作作之十日則歇并可以去黑子黑子藥注便即拭去不時

拭則傷膚又一方以桑皮灰亦妙

凡破諸病肉厚處當先廣封四面不爾瘡披裂氣泄便

死不可救也

以前范汪同

有久癰餘瘡為敗癰深疽有脛間

喜生瘡中外惡瘡霜寒凍不差經年或骨疽亦名脛瘡

深爛青黑四邊堅強中央膿血惡汁出百藥療不差汁

潰好肉處皆腫亦有碎骨從中出者可溫赤龍皮湯洗

之夏月日日洗之冬日三日四日一洗潰肉多者可時

傅白蘭茹散食去之可一日之中三四傅之止後長傅

家猪尿散得差也

取猪矢烧作灰下絹篩以粉疽敗瘡中令滿汁出
脱去便傅之長傅須差也若更生青肉復著白藺

姑散如前法也

出第八卷中

千金翼凡五子日夜半 五丑日鷄鳴 五寅日平旦

五卯日日出 五辰日食時 五巳日禺中

五午日日中 五未日日昃 五申日晡時

五酉日日入 五戌日黃昏 五亥日人定

右以此日時遇疾發者皆不起也

出第二十卷中

廣濟療癰腫潰內服藥外宜貼膏方

松脂 一斤 煉者

脰脂 三合 生

椒葉 一兩

白蠟 三兩

蛇銜 一兩

黃芪 一兩

芎藭 一兩

白芷 一兩

當歸 一兩

細辛 一兩

芍藥 一兩

右十一味切以水先煎脂蠟烊盡內諸藥三上三下

白芷色黃膏成用剪故帛可瘡大小塗膏貼上日夜

各一

又療癰腫膿潰瘡中有紫肉硬不消以此散兌頭內蝕之方

石硫黃一分 馬齒礬石二分 漆頭蔞茹二分

麝香二分 雄黃二分 雌黃一分

白礬二分 丹砂二分

右八味搗篩為散攪令調熟以傅瘡中瘡惡肉上貼

膏日二易千金并翼深師同 並出第三十卷中

劉涓子療癰腫方

白斂

烏頭炮

黃芩 各等分

右三味擣下篩和雞子白傅上即愈

出第十卷中

療癰腫有熱黃芪貼方數用神驗

甘草炙

大黃

白斂

黃

芎藭

右五味各等分擣篩以雞子黃和如濁泥塗布上隨

赤熱有堅處大小貼之燥易甚效

刪繁療癰腫白斂薄貼方

白斂

當歸

芍藥

大黃

莽草

芎藭

右六味各等分擣篩下雞子黃和如泥塗布隨大小貼之燥易

又療癰腫堅核不消白斂貼之方

白斂

大黃

赤石脂

芍藥

莽草

黃芩

黃連

茱萸

右八味各等分擣篩以雞子黃和如濁泥塗布上隨

核大小貼之燥易

又療癰腫黃芪貼之方

黃芪 一兩半

黃芩 一兩

芍藥 一兩

黃連

白芷

芍藥 各二兩

當歸 一兩半

右七味擣篩以雞子白和如膏諸暴腫起處以塗著布上已貼燥易腫處不覺貼冷便愈熱勢毒者加白

斂一兩尤佳

又療癰腫黃芪貼方

黃芪

大黃

白芷

牡蠣

熬

白斂

右五味各等分搗篩和雞子貼燥易

又療癰腫已潰四物黃連薄貼方

黃連

黃蘗

地榆

白芷

各一兩

右藥搗篩雞子白和塗布薄癰上對瘡口穿布出癰

氣令疎氣

又療癰腫一物枯樓薄貼方

以栝樓根隨多少止一物切五片內苦酒中熬燥
擣節之苦酒和塗紙上以貼癰腫上服散人宜用

並出第
九卷中

千金療癰腫松脂貼方

當歸

黃芪

黃連

芍藥

蠟

黃芩

芎藭

大黃

各一
兩細

切

松脂 一斤
半

樞脂 一合
半

右十味切以微火煎之三上三下綿布絞去滓向火

灸塗生牋紙上隨大小貼之一日三度易之即差

又療腫疾藥散方

疾藜子 一升熬
令黃

右一味擣篩以麻油和之如泥炒令焦黑以塗故布
上剪如腫大勿開頭搯上無疾藜子用小豆和雞子
如前乾則易之甚妙

又搯湯方

大黃

黃芩

白斂 各三兩

芒硝 六分

右四味以水六升煮取三升以故帛四重內汁中以
搯腫上煖復易晝夜為之

翼同

又癰腫痛煩困方

以生楸葉十重貼之以布綿裹緩急得所日二易
止痛消腫食膿血良無比勝於衆貼冬以前收乾
者臨時鹽湯沃潤用之亦可薄削楸皮用之

備急
張文

仲肘
後同

又諸癰腫牢堅諸藥不療方

削附子如碁子厚一指正著腫上以少唾濕附子
 火炙附子令熱徹附子欲乾輒令更唾濕之常令
 附子熱氣入腫中無不愈者此法絕妙並出第二十三卷中
 千金翼黃芪湯主癰腫熱盛口乾除熱止渴方

黃芪 升麻 栝樓 乾地黄
各二

兩 麥門冬去心 芍藥各二 黃芩一兩半

梔子二十枚擘

右八味切以水一斗煮取三升分三服
劉涓子用升麻一兩梔子

十四枚
餘藥同

又白斂薄貼主癰腫方

白斂

大黃

黃芩

各等分

右三味擣篩和雞子白如泥塗布上薄貼腫上乾則
易之可以三指撮藥末內三升水中煮三沸綿注汁
拭腫上數十遍以寒水石末和塗腫上以紙覆之乾
則易之一易輒以煮拭之日夜三十度

劉涓子同

又療癰腫方

伏龍肝以大酢和作泥塗布上貼之乾則易之消
矣

又凡腫已潰未潰者方

以膠一片水漬令軟納納然稱腫之大小貼當頭
上開孔若已潰還合者膿當被膠急撮之膿皆出
盡未有膿者腫當自消矣

又方

燒鯉魚作灰酢和塗之一切腫上以差為度至良

又温中湯主癰腫取冷過多寒中下利食完出方

甘草 炙

乾薑

附子 各六分炮

蜀椒 二百四十

枚汗

右四味切以水六升煮取二升分三服忌海藻松菜

猪肉冷水

劉涓子同出第二十三卷中

張文仲劉涓子療癰消膿木占斯散方

木占斯

桂心

人參

細辛

敗醬

乾薑

厚朴 炙

甘草

防風

桔梗

各一兩

栝樓

一兩

右十一味搗為散服方寸匕入咽覺流入瘡中若癰
及疽灸亦不能發壞者可服之瘡未壞者去敗醬已
壞發膿者內敗醬此藥時有化癰疽令成水為妙

隱居必效方消癰腫

白斂

二分

藜蘆

一分

右二味搗為末以苦酒和如泥貼腫上日三大良

備急

同出第

五卷中

石癰方五首

千金堅如石核復大色不變或作石癰療之鍊石散方

鹿角 八兩一作白灰 白斂 三兩

粗理黃石 一斤酢五升先燒石令赤

內酢中復燒內之酢盡半止

右三味擣篩作細末以餘酢拌和如泥厚塗之乾即塗取消止盡更合諸漏瘰癧藥悉皆主之並須火針

瘡上塗膏

又方

單磨鹿角半夏塗不如上方佳也

集驗文仲小品
古今錄驗同

又療石癰堅如石不作膿方

以生商陸根爛擣傅之燥則易之治腦漏及諸癰

癰

古今錄
驗同

又方

以蜀桑根白皮陰乾擣末消膠以酒和傅上即拔

出

並出第二
十三卷中

備急療若發腫至堅而有根者名曰石癰也方

灸腫三百壯當石子破碎出如不出益壯乃出其

癰疽石癰結筋瘰癧皆不可針角針角殺人集驗文仲

千金同出

第四卷中

癰癧方一十四首

劉涓子療癰癧諸腫有熱方

地黄三斤洗細切

右一味以水一斗煮取三升去滓煎湯令小厚以塗

紙當瘡中央貼之日再三易數用大良並療牛領上

腫

出第十
卷中

集驗療癰及癬如結實赤熱者方

以水磨半夏塗之燥復更塗得流便消也出草中
可自掘生半夏乃佳此療神驗勿不信也

出第八
卷中

千金療凡癬無頭者

吞葵子一枚即出勿多服頭多也

又方

燒葛蔓灰封上自消

又方

牛糞封之佳

又方

以鼠粘葉貼之

又方

用水和雀糞傅之

又方

猪頭骨

芸薹子

右二味等分為末和酢封之

又療癰癤潰後膿不斷及諸物刺傷不差方

取石硫黃三兩粉之一味筋一片碓頭令碎少濕

之內石硫黃中刺瘡孔以瘡差為度

通按筋字可疑

又乾地黄丸主虛熱消瘡癰方

乾地黄

四兩

大黃

六兩

桂心

二兩

芍藥

三兩

茯苓

三兩

王不留行

二兩

黃芩

二兩

麥門冬

二兩

去心

遠志

二兩

升麻

二兩

人參

二兩

甘草 二兩

炙

枳實 二兩

炙

右十三味搗篩蜜和丸如梧子大酒服十九日三加

至二十九丸長服令人肥健

同翼

又地黄煎方補虛除熱可將和服取利也散石癰疽癰痔熱悉宜服百日癰疽永不發也

取生地黄隨多少三搗三押取汁令盡一味以新布重絞其汁澄清置銅器中湯上煮之減半復下更新布絞去麤碎結濁者滓穢盡復煎之濃竭令

如飴糖置甕器中酒服如彈丸大日三勿加至百
日服之有驗

又梔子湯主表裏俱熱三焦不實身體生瘡或發癰癤
大小便不利方

芒硝 二兩

大黃 四兩

梔子 二七枚擘

黃芩 二兩

知母 二兩

甘草 二兩炙

右六味切以水五升煮減半下大黃煮取一升八合
去滓內芒硝二兩分三服忌海藻菘菜

並出第一十三卷中

千金翼論曰一切癰疽皆是瘡痕根本所患癰之後膿汁不止得冷即是鼠瘻是以漏方次之大須急救之

馬齒草

五斤切

櫛白皮

一斤水五升煮取一升澄清

麝香

半臍乾之仍研

末作

杏仁

半斤油煎令黑持如膏

右四味以瓷器貯之合和以三四重綿密繫口病已成瘡者以泔清淨洗拭乾剪作貼子塗藥貼著瘡上日三易若未作瘡如作瘰癧子者以艾一升熏黃如棗大乾漆如棗大末之釜月下土三味並末和艾作

炷灸三七壯

本方療鼠痿出
第二十三卷中

又主癰腫方

生椒末麴末釜月下土末之以大酢和傅之

並出
第二

十四

卷中

附骨疽方八首

千金診附骨疽法凡附骨疽者無故附骨成膿故名附骨疽喜著大節解中丈夫產婦喜著胯髀嬰兒亦著脊背丈夫急者先覺痛不得動搖按之應骨痛經日便覺

皮肉漸急洪腫如肥狀是也小兒纔近便大啼呼即是
肢節有痛候也大人緩者先覺肥洪洪然經日便覺痺
痛不隨小兒四肢不能動搖亦如不隨狀著肢節解中
有洪洪處不知是附骨疽令遍身成腫不至潰死體皆
青黯大人亦有不別是附骨疽呼為賊風風腫也

又凡人身體患熱當風取涼風入骨解中風熱相搏便
成附骨疽其候嗜眠沈重忽忽耳鳴又秋夏露卧為冷
所折風熱伏結而作此疾急者熱多風少緩者風多熱

少小兒未知取風冷何意而有此疾由其血氣盛肌嫩
漸為風冷折之即湊理凝結故也

又凡骨疽者久瘡不差差而復發骨從孔中出名為骨
疽方

以猪膽和楸葉搗封之

又方

搗白楊葉下篩傅之

又方

穿地作坑口小裏大深三尺取乾雞屎五升以艾
及荊葉和之令可燃火令煙出內疽孔坑中以衣
擁坑口勿洩煙半日許當有蟲出

又癰疽敗及骨疽方

末龍骨粉瘡四面厚二分

又方

用自死蝦蟇一枚頭髮一把以猪膏一片半內二
物煎之消盡下之欲冷內鹽一合攪和以膏著瘡

中日一易蟲出如髮蟲盡愈

又骨疽百方療不差方

可瘡上以艾灸之三日三夜無不愈也

並出第二十三卷中

備急若骨疽積年每一年一發汁出不差方

取膠熬擣末粉勃療上及破生鱧魚以搗之如食

頃刮視其小蟲出更洗更傅蟲出盡止

備急文仲同

又療疽瘡骨出方

黃連

牡蠣

各二分熬

又二味末先以鹽湯洗以粉之

文仲同出
第四卷中

療疽方一十六首

集驗論胷中痛少氣急入闇中以手掩左眼竟視右眼
見光者胷中結癰也若不見光療疽內發若吐膿血此
不療之疾宜以灰掩膿血上不爾著傍人也又齒間臭
熱血出是療疽也七日死療所不差宜以灰掩地血療
疽喜著指與代指相似人不別者亦呼作代指不急療
其毒逐脉上入臧殺人也南方人得此疾皆斬去指恐

其毒上攻藏故癰疽著指頭者其先作黯疱然後腫赤
黑黯疹痛入心是也

出第八
卷中

千金癰疽論說曰癰疽者肉中忽生點子如豆粒小者
如黍粟劇者如梅李或黑赤青白不定一種其狀有根
不浮腫痛疹應心根深至肌少久便四面悉腫疱黯黯
紫黑色能爛壞筋骨也毒散逐脉入藏殺人南方人名
為榻著毒著厚肉處即割去之亦燒鐵烙疱上合焦如
炭亦疤上灸百壯為佳單搗酸草葉傅腫四面防其長

大飲葵根汁及藍青汁若犀角汁升麻汁竹瀝汁黃龍湯諸單療折其勢耳其病亦喜著指故與代指相似人不識之呼作代指不急療之亦逐脉上入五藏殺人南方人得之皆斬去指疽著指初指頭先作黯疤然後腫赤黑黯疹痛入心是也復有惡肉病者身上忽有肉如赤豆粒突出便長推出如牛馬乳上如雞冠狀不療自長出不止不痛癢此由春冬時受惡風入肌脉中變成此疾療之宜服漏蘆湯外燒爍日日為之令焦盡竟以

升麻膏傳之積日乃差

備急同出第二十三卷中

劉涓子療癰疽侵淫廣大羊髓膏方

羊髓 二兩

大黃

甘草 炙

胡粉 各二兩

右四味咬咀以猪膏二升半合煎微火三上三下絞

去滓傳日四五

深師云魚療赤黑爛壞成瘡出第五卷中

千金療癰疽著手足肩背累累如米起色白刮之汁出

愈復發方

黃芪 六分

款冬花 二分

升麻 四分

附子 一分

苦參 一分
赤小豆 一分

右六味下篩酒服半錢七漸增至一錢日三服

范汪方無

苦參有

赤小豆

又方

虎糞白者以馬尿和之暴令乾燒灰粉之

同翼

又方

胡粉

青木香

龍骨

滑石

各二兩

右四味下篩以米粉一升和之稍以粉之日四五

又方

竈室塵

竈突中墨

竈釜底土

各一升

右三味合研令勻以清水一斗煮三沸取汁洗療日
二三度

又凡癩疽手足肩背忽礫礫如赤小豆刺之汁出者是
療之方

又方

剥却瘡皮温泔清洗胡鷺窠和百日男子矢塗之

熬蕪菁子熟搗綿裹傅之勿止

文仲備急
肘後同

又方

熬麻子末摩上日五六度

又方

麩和酒傅之

又方

鯽魚三寸長者亂髮如雞子大猪脂一斤煎以成膏塗之

又療瘰疽秘方世所不傳神良無比

射干

甘草 炙

升麻

枳實 炙各二兩

大黃 十分

麝香 二分研

乾地黃 二兩

犀角 六分屑

前胡 三兩本方云三分

右九味切以水九升煮取三升分三服差止不限劑

數 翼同深師加黃芩十分餘同

又瘰疽漏蘆湯方

漏蘆

白斂

黃芩

麻黃 去節

白薇

枳實 炙

升麻

芍藥

甘草

各二兩 炙

大黃

三兩

右十味切以水一升煮取三升分三服無藥單用大

黃下之良

張文仲備急並翼並同

又升麻膏方

升麻

白薇

漏蘆

連翹

芒硝

各二兩

黃芩

蛇銜

枳實

各二兩 炙

梔子仁

二十枚

蒴藿

四兩

右十味切搗破令細後以水三升漬半日以猪膏五升煎水氣竭去滓傅諸丹毒皆用及熱瘡腫上並日三易之

升麻搯湯方

升麻

漏蘆

芒硝

各二兩

梔子

二十枚

黃芩

三兩

右五味切以水一斗合蒴藿五兩煎取七升冷搯諸丹腫上常令濕內宜服漏蘆湯甚佳

又療瘰疽浸淫多汁日就侵大胡粉散方

胡粉一分

黃連三分

甘草二分

藺茹二分

右四味下篩以粉瘡上日三

翼文仲備急深師同並出第二十三卷中

千金翼薄榆湯主瘰疽浸淫欲作未成或如桃李核或

如雞子赤炆方

甘草灸

黃芩

大黃

黃連

當歸

芒硝各兩

右六味切以水一斗煎取三升絞去滓鎊中下芒硝

一沸攪之貼布帛中以揄腫上數百遍

劉涓子深師同出第二十

三卷

中

緩疽方四首

集驗論有緩疽者初結腫形似癰回回無頭尾其色不異但痛深有根核又與皮肉相親著外耳一名內癰其有大者如拳小者如桃李狀積日不消喜變紫色黯黑久即皮肉俱爛如牛領瘡狀便通體遍青黯色而不作頭穿潰出膿初作服五香連翹湯鏡去血以小豆薄塗

之其間數針鏡去血又薄之取消也若不消色未變青
黯者以鍊石薄之若失時不得療已爛者猶服五香連
翹湯及漏蘆湯下之隨熱多少投方也外以升麻湯搨
洗之薄升麻膏若生臭惡肉者可以單行一物白蔞茹
散傅之青肉去盡便停也好肉既生但薄升麻膏良不
生單傅一物黃芪散也若傅白蔞茹散積日青惡肉不
盡者可以漆頭赤皮蔞茹取半錢匕和大三錢匕白蔞
茹散中合和傅之惡肉去盡還以淳用白蔞茹散也視

好肉欲生可傳黃芪散也黃芪散方白藺茹散方漆頭
藺茹散方並一味單行隨多少搗篩為散
出第八卷中
范汪飛黃散療緩疽惡瘡食惡肉方

取丹砂著瓦盆南雌黃著中央磁石北曾青東白
石英西礬石上石膏次鍾乳下雄黃覆雲母薄布
下各二兩先搗篩瓦盆中以一盆覆上羊毛泥令
厚作三隅竈燒之以陳葦一日成取其飛者使之
甚妙

又療緩疽以飛黃散食惡肉令盡作土竈熏之方

雄黃 一兩

雞白屎 一兩

梨蘆 一兩

丹砂 一兩

乾鰻鱧魚 一兩

右五味搗下篩青布裹之熏經三日乃止止畢要以

蛇銜膏摩之良

簡范汪方無蛇銜膏崔氏方附於後並出第三十一卷中

崔氏蛇銜膏療癰腫瘀血產後血積耳目暗等牛領馬

鞍瘡方

蛇銜 一兩

大黃

附子 去黑皮

芍藥

當歸

細辛

黃芩

大戟

椒 去月

莽草

獨活 各一兩

薤白 十四莖

右十二味並切之以苦酒淹之一宿以不中水成鍊猪膏二升龍銜藤一兩合膏煎名龍銜膏今又有龍草似蛇銜而葉大耳亦有取其根合煎者亦名龍銜

膏

出第二卷中

小品療緩疽初作即以小豆薄塗之亦消也

出第十卷中

發背方四十一首

其乳石發背自有正方在第三十八卷中具述

千金論曰凡發背皆由服餌五石寒食更生散所致亦有單服鍾乳而發者亦有生平不服諸石而自發背者此是上代有服之者其候率多於背兩胛間起初如粟米大或痛或癢仍作赤色人皆初不以為事日漸長大不過十日遂至不救其臨困時方圓徑三四寸高一寸瘡有數十孔以手按之諸孔之膿皆反出尋即失音不言所以養生者小覺背上痛痒有異即取淨土冷水和泥捻作餅子徑一寸半厚二分以麤艾大作炷灸泥上

貼著瘡上灸之一炷一易餅子若粟米大時可灸七餅
即差若榆莢大灸二七炷即差至錢許大日夜灸不住
乃差并服五香連翹湯及鐵漿諸藥攻之乃愈又常以
冷水射之漬冷石熨之日夜勿止待差住手此病忌麪
酒肉五辛等亦有當兩腎上發者

又論曰凡服石人皆須大勞役四體無得自安如其不
爾多有發動亦不得遂便恣意取煖稱適已情必須違
欲以取寒凍雖當時不寧於後在身多有所益終無發

動之慮

又發背方

凡腫起於背胛中頭白如黍粟四面相連腫赤黑
令人悶亂者名發背也即禁房慎蒜麩不速灸治
即入內殺人灸當瘡上七八百壯有人不識多作
雜腫療之皆死

又方

取亂髮灰酒服方寸匕

又方

以三年酢滓微火煎令調和牛脂封上日一易

又方

取狗牙灰酢和傅之

又方

取猪羊脂封之亦療發乳

又方

以蛇頭灰水和傅之

又方

飲鐵漿三升下利為佳

又方

以鹿角灰酢和塗之

古今錄
驗同

又方

燒古蟬末之如粉雞子白和傅上日三即差止

又發背及癰疽潰漏並未潰毒腫方

栝樓

榆皮

胡鷺窠

鼯鼠土

女人月水布洗取汁

右五味並須等分以月水汁和如泥封腫上乾即易
之潰者四面封已覺即封從一日至五日令差翼同
又療癰疽潰漏發背及小小瘰癧李根散方

李根

半夏洗

栝樓各一升

甘草二兩炙

葛根三兩

桂心四兩

當歸二兩

通草二兩

芎藭一兩半

白斂一兩

桔梗二兩

厚朴炙

黃芩各一兩

芍藥四兩

附子一兩炮

右十五味為散酒服方寸七日三瘡大困者夜再服
有患發背骨出身有三十餘癰癤服此差忌羊肉錫

海藻菘菜猪肉冷水生葱
范汪同

又治諸虛不足發背癰疽經年差後復發或由大風聚
結毒氣在內閉塞夏月已來出攻於背久不療積聚作
膿血為瘡內漏大內塞排膿散方

山茱萸
五味子
茯苓
乾薑 各六分

當歸 四分
附子 二分
肉蓯蓉 八分
石斛 五分

兔絲子三分 酒漬 巴戟天八分 瞿麥三分 一云地麥地膚子也

遠志八分 去心 人參五分 甘草五分 灸 麥門冬八分 志心

石葦四分 芎藭四分 芍藥五分 乾地黃八分

桂心五分

右二十味為散酒服方寸匕日三夜一稍加至兩匕

長服終身不發癰瘡忌同前

又內補散療癰疽發背方

蜀升麻 黃芩 人參各二分 乾薑

白斂

桂心

甘草炙

附子炮

防風

各一兩

芎藭

一兩

赤小豆

右十一味為散酒服方寸匕日三夜再

一云蜀椒非

又內補散主癰疽發背已潰排膿生肉方

當歸

桂心

人參各二兩

芎藭

厚朴炙

桔梗

甘草炙

防風

白芷

各一兩

右九味為散酒服方寸匕日三夜再瘡未合服勿停

忌范汪同

又瞿麥散主排膿止痛利小便方

瞿麥 二兩

芍藥 二兩

桂心 半兩

赤小豆 半合

芎藭 半兩

白斂 半兩

黃芪 一兩

當歸 二兩

麥門冬 二兩
去心

右九味為散先食溫酒服方寸匕日三忌生葱

翼深師同

又薏苡仁散主令癰自潰長肌肉方

薏苡仁

桂心

乾薑

白斂

當歸

肉蓯蓉

各一兩

右六味為散先食溫酒服方寸匕日三夜再同翼

又黃芪竹葉湯主胷背遊熱癰疽方

生地黄

八兩

黃芪

甘草

炙

芍藥

黃芩

各三兩

人參

石膏

碎

芎藭

當歸

各二兩

生薑

五兩

大棗

三十枚擘

半夏

四兩洗

淡竹葉

切一升

麥門冬

去心三兩

右十四味以水一斗二升煮竹葉取九升去滓內藥

煮取三升分四服相去如人行五六里再服日三夜
一忌海藻菘菜羊肉饒古今錄驗同
又排膿內塞散主大瘡熱已退膿血不止瘡中肉虛疼
痛方

防風

茯苓

白芷

桔梗

遠志

去心

甘草

炙

人參

芎藭

當歸

黃芪

各一兩

桂心

二分

附子

炮二枚

厚朴

二兩

赤小豆

五合熬

右十四味搗散酒服方寸七日三夜一忌同前

又麝香膏主諸惡瘡及癰疽發背上惡肉方

麝香研

雄黃研

真珠研各一兩

礬石一兩熬

右四味細節以猪膏攪令如泥塗惡肉盡止更傅生

肉膏佳

又療癰疽敗壞生肉膏方

生地黄一斤 辛夷

獨活

當歸

黃芪

大黃

芎藭各一兩

薤白五兩

白芷

芍藥

黃芩

續斷 各一兩

右十味切以臘月猪脂四升煎傅之佳

又方

大黃

附子 炮

芍藥

雄黃

真珠

各一兩

白斂

礬石 燒

黃芩

蘭茹

各二兩

雌黃 一兩

莽草 一兩

右十一味先以猪膏一升半煎六沸去滓內蘭茹礬

石末攪之塗瘡上惡肉盡止

劉涓子同

又方

藺茹 漆頭者

礬石 各二分熬

雄黃 二分研

硫黃 二分

右四味為散內瘡口中惡肉盡止勿使過好肉也

又發背上初欲作腫即服此方

梔子仁 一百枚

大黃

升麻

黃芩

甘草 炙各三兩

右五味切以水九升煮取三升半分三服使利便止

不下更進一服忌海藻菘菜從瞿麥散以下九方並

療癰發背部中已次之

丈仲備急同並出
第二十三卷中

范汪療癰腫癰發背虎牙散方

虎牙 灸

乾薑

附子 炮

當歸

甘草 灸

防風

桂心

王不留行

茯苓 各一兩

右九味擣下篩服方寸匕日三忌同前

出第三十
一卷中

又療癰發背排膿內補鐵屑散方

當歸

人參

細辛

甘草 灸

茯苓

黃芪

桂心

防風

黃芩

鐵屑

芎藭

芍藥

右十二味各等分合搗為散服方寸匕忌同前

又療癰腫牢核發背成膿莽草膏方

莽草

芎藭

當歸

細辛

附子

炮

黃芩

烏頭

炮

牛膝

躑躅

野葛

茯苓

防風

杜衡

各一兩

猪脂

二斤

右十四味切用猪肪合煎去滓傳瘡上日再忌同前
又卓氏白膏療癰疽發背金瘡已壞及未敗火瘡諸疔
疥患療之方

當歸

附子

炮

細辛

芍藥

續斷

牛膝

通草

甘草

炙

白芷

各二兩

蜀椒

三合

芍藥

黃芪

各一兩

右十二味吹咀以猪膏二升煎之微火上以白芷色
黃藥成絞去滓以傳瘡上日三忌同前

又療發背發乳房及諸惡瘡膏方

黃連

當歸

馬齒

芎藭

薯蕷

各一兩

珍珠

十四枚

礬石

半兩燒

黃蘗

半兩

石葦

三分去毛

生竹皮

三合

猪肪

一斤

右十一味咬咀細切肪美酒一升合煎石葦焦膏成

去滓有病稍稍傅上亦可酒服棗核大一枚忌同前

並出第四

十一卷中

救急療發背百無不差方

取猪羊脂切作片冷水浸取貼上暖輒易之五六
十片即差若初貼少許即寒寒定好眠甚妙

又療發背若初覺赤腫腫上作小瘡疼不可近方

急用針刺上七八針取冷水用筒注射腫上日夜

不止疼歇腫消

出第五
卷中

又療發背方

取白麩搜圍腫四畔令童子七人尿漬之

又方

以馬糞封之乾易婦人發乳亦差

又方

取蔚臭草擣取汁服一雞子渾封上熱即易之

又方

擣地菘汁一升日再服以差止

又方

大黃 石灰熬 小豆

右三味等分末白酒和塗立效忌羊肉熱麪大酢

出並

第六

卷中

近效凡發背皆發出自腸胃流入五藏仕流多脚氣為主或有先服乳石并熱肉麩并失饑房室過度皆作此疾縱身不曾服乳石先代服亦有此病或有下里人服麩過度亦有患者請依後方萬不失一發背亦覺有腫即須審看根硬軟如硬頭一點白燒四邊紫黑色時掣痛憎寒不食狀如天行此石癰知是此狀即須當上灸一百壯艾炷大如鼠屎許大凡發背初亦一點白四邊

赤色漸漸長大或盃盃并碗許大四邊生飯漿小小瘡如粟米大亦時時抽掣痛此兩狀皆是死病一日內堪醫十日以外不濟就中冬月得此病即延得三五日其發背初覺即須當頭灸二十一壯如盃許大即五花灸之各二十一壯即服牛蒡子栝樓葛粉第二服犀角湯瀉之不然服犀角丸亦得大效也忌梨鯉魚麪酒肉漿水粥

真鴻臚
賈顯錄

凡發背候憎寒壯熱身如拘束或口乾不用食瘡初出

如青紫色者毒重赤者輕膿如稀泔者極重膿稠白赤

者輕

張道士昇玄
房陵口錄留

又療惡寒嗇嗇似欲發背或已生瘡腫隱癢起方

硝石

三兩

右一味以煖水一斗和令消待冷取故青布疊三重
可似欲赤處方圓濕布揄根熱即換之頻易差
又療發背及一切毒腫方

生麻油

六合

黃丹

二兩半

地膽

兩錢搗
碎篩

生栗子

四十九枚取大小中者熬焦去皮碎絹篩

右四味和於銅器中盛用炭火重湯煎候沫溢出與器口欲平取小麥一合分二人嚼取筋急內藥中攪使與相合膏擎下安銅器冷水中成膏訖以故綿塗膏貼所苦處晨夕換膏

又療前瘡定訖令生肌方

黃四員外云極効

麝香

兩錢

棗皮灰

兩半

生麻油

六合

右三味依法和用火重湯上煎十餘沸稀稠前藥相

似取故綿塗膏貼瘡上膏漸取瘳減唯得喫白羊頭肉但是豆並不得喫餘如藥法

又療癰腫犀角丸主腸癰乳癰發背一切毒腫服之化為水神驗方

犀角 十二分

蜀升麻

黃芩 各四分

大黃 五分

防風 四分

巴豆 二十二枚去心皮熬令黃

人參 四分

當歸 四分

黃芪 四分

乾蓼藍

黃連

甘草 炙

梔子仁 各四分

右十三味搗為末別搗巴豆成膏內末和以杵研搗
令相得鍊蜜和搜更搗二三百杵煖湯服三丸如梧
子得利兩三行喫冷粥止即差不利加至四五丸初
服取快利後漸減丸數取鴨溲微洩為度老小以意
增減腫消及和潤乃止利却黃水即覺輕皮皴色變
一切腫皆內消神驗不可論忌熱麪蒜猪肉蘆笋魚
海藻菘菜生冷粘食以上並主發背

癰疽發背雜療方二十六首

劉涓子療發背發乳口已合皮上急痛生肉摩跗折丹
參膏方

丹參

防風

白芷

細辛

芎藭

黃芩

芍藥

牛膠

大黃

槐子

獨活

當歸

各一兩

又十二味切以臘月猪脂五升微火煎三上三下膏

摩病日三四不須向火

古今錄驗同
出第五卷中

肘後療諸癰疽發背及乳方

熬粢粉令黑雞子白和之以塗練上貼癰小穿練

上作小口以泄毒氣令散燥復易之此藥神效文仲

備急

同

又方

以釜底土擣取散以雞子中黃和塗之加少豉彌

良以五月葫及少鹽佳文仲備急同一本無下一法

又方

取茱萸一升擣之以苦酒和貼癰上乾易之佳

刪繁療癰疽發背九物大黃薄貼方

大黃

黃芩

各三兩

白芷

二兩

寒水石

五兩

白斂

五兩

黃蘗

二兩

石膏

赤石脂

黃連

各三兩

右藥下篩以三合投粉糜二升中和之薄塗紙貼腫

上燥易之腫下止不下厚傅之忌生冷熱麪大酢

又蝟皮散療諸癩及浮核壞敗并主男子發背女子發

乳等癰疽或膿血肉瘤方

蝟皮一具
燒

杜仲八分
炙

續斷五分

附子炮

地榆各五
分

厚朴八分

藁本五分

當歸

桂心各五
分

小露蜂房一具
燒

右十味搗篩為散服方寸匕日三服酒進取差止忌

猪肉生葱冷水

又陵鯉甲散療發背乳房癰腫方

陵鯉一頭取
甲爪炙桂心三分當歸二分

右三味搗篩為散服方寸匕日三服酒進出第九卷中

千金療癰疽發背猪蹄湯方

猪蹄

一具治如食法

黃芪

黃連

芍藥

各三分

黃芩

二兩

薔薇根

狼牙根

各八兩

右七味以水三斗煮蹄令熟澄取二斗清切藥煮取

一斗洗瘡一食頃以綿拭燥著生肉膏日二差生痂

止痛加當歸甘草各二兩

又療癰疽發十指或起膀胱及發背後生惡肉方

猪蹄 一具

當歸

大黃

芍藥

芍藥

黃芩

獨活

莽草

各一兩

右八味蹄取膝下斷制如食法以水二斗煮取八升
內藥煮取四升去滓漬瘡兩食頃拭令燥以麝香膏
傅之其方在前發背部中只有四味者是也

又生肉膏主癰疽發背已潰令生肉方

甘草 炙

當歸

白芷

茯苓

蜀椒

細辛

烏喙

薤白

各二兩 六枚 二十

乾地黄

三兩

續斷

一兩無以蛇銜替之

右十味以好酢半升相和漬二宿猪膏三斤煎令三沸三上三下膏成使用劉涓子同

又癰發腹背陰匿處通身有數十者方

取牛糞乾者燒擣下重絹以雞子白和以塗之乾

復易肘後張文仲備急同

又若已結膿使聚長者方

以生栝樓根細擣苦酒和傅上燥復易之末赤小

豆亦佳

又凡發背為癰疽已潰未潰者方

以香豉三升少與水和熟搗成強泥可腫作餅厚
三分已有孔勿覆孔可腫上布豉餅艾列其上灸
其豉使溫溫熱而已勿令破肉也其熱痛急易之
癰疽當減便得安或一日二日灸之若先有瘡孔

孔中汁出即差

備急文仲
並翼同

又癰腫發背初作及經十日以上腫勢焮熱毒氣猛盛
日夜疼痛百藥不治者方

蝦段雞子 一枚

新出狗矢

如雞子大

右二味攪令調和微火熬之令稀稠得所捻作餅子

腫頭堅處貼之以紙貼上以綿抹之時時看之覺餅

子熱即易勿令動轉及歇氣經一夜定其多日患者

三日貼一度差止

謹按千金論曰此方穢惡不可施於貴勝然其愈疾一切諸方皆不

及又自外諸方還復備員作儀注而已學者常當曉斯以備諸急云耳並出第二十三卷中

千金翼諸癰腫發背及癰瘡已潰爛疼痛方

蒸糜穀更遞熨之當即愈

一云薔薇穀更炙熨之

又連翹五香湯主一切惡核瘡腫方

連翹

射干

升麻

獨活

各二兩

桑寄生

二兩

通草

二兩

大黃

三兩

丁香

一兩

青木香

二兩

沉香

二兩

薰陸香

二兩

麝香

三兩

右十二味咬咀以水九升煮減半內竹瀝二升煮取

三升分三服未差中間常服佳

又五香湯主惡氣毒腫方

沉香

青木香

丁香

各一兩

薰陸香

一兩

麝香 半兩

右五味切以水五升煮取一升半分三服

集驗方用雞舌香一

兩不用丁香出

第二十四卷中

崔氏療發背及諸瘡久不差有效方

先以甘草湯洗瘡拭極乾乃嚼胡麻傳上乾即易

從旦至日西去胡麻乃取黃連末滑石末中半相

和以傅瘡上數數易明日又依前傳胡麻及黃連

等末更不須洗瘡不過六七日即差

必効備急同

又連翹湯療患瘡腫而渴方

連翹

蜀升麻 各二兩

黃芩 三兩

枳實 二兩

乾藍 三兩

芍藥 二兩

玄參 二兩

白斂 二兩

甘草 二兩

羚羊角 屑二兩

通草 二兩

黃芪 二兩

大黃 三兩

右十三味切以水八升煮取二升半分三服利一兩

行後更服去大黃乾藍即不利忌海藻松菜

又犀角飲子方

犀角

三兩 屑

羚羊角

三兩 屑

右二味以水八升煮取三升渴即飲盡更作之時熱

恐壞懸著井底甚妙

又五香連翹湯療惡瘡熱毒腫恐惡毒氣入腹煎取利

以洩毒氣方

連翹

三兩

蜀升麻

二兩

薰陸香

二兩

淡竹瀝

一升

麝香

一分 研

青木香

二兩

丁香

一兩

獨活

二兩

寄生

三兩

射干

二兩

甘草

二兩

沉香

一兩

大黃

四兩水一升別漬

朴硝

二兩熬乾別內

右十四味切以水一斗煮取二升半絞去滓然後內

大黃朴硝竹瀝更煮一兩沸去滓內麝香分溫三服

服別相去如人行十里久以得利一二行為度慎雞

猪魚蒜生冷酢滑油膩麩食小豆五辛葵菜等

備急文仲

同並出第五卷中

備急葛氏療始發諸癰疽發背及乳房方

皆灸上百壯半夏末雞子白和塗良姚云生者神

驗以水和塗之

肘後文仲古今錄驗小品並同

又方

以酢和墓上土茱萸搗薑小蒜薄貼並良

肘後文仲同並

出第四

卷中

救急療熱毒風丹並發背犀角膏方

犀角

六分屑

升麻

十大分

羚羊角

六分

梔子仁

七分

枚

薤白

一切一升

吳藍

八分大藍亦得

玄參

六分

續斷

大黃

白斂

射干

白芷 各六分

蛇銜 切一分

寒水石 十二分

黃芩 六分

慎火草 切一分

麻黃 六分 去節

右十七味切以竹瀝三升生地黃汁五合漬藥一宿

內豬脂二升微火上煎十上十下候白芷黃膏成去

滓塗病上 出第五卷中

文仲療發背及婦人發乳及腸癰木占斯散方

木占斯 炙

甘草 炙

細辛

栝樓

防風

乾薑

人參

桔梗

敗醬草

各一兩

右十味為散酒服方寸匕日七夜四以多為度病在

上當吐病在下當下膿血此謂腸癰之屬凡癰腫即

可服兼療諸疽痔若瘡已潰便早愈發背無有不療

常服去敗醬亦療婦人諸產癥瘕亦良

是劉涓子方千金范汪刪

繁古今錄驗同

出第五卷中

古今錄驗療諸癰瘡發背有膿血當歸貼方

當歸 一分

蟻螯 一分

丹參 一分

附子 一分
炮

蠟蜜 一分

梔子 十枚

桂心 一分

膠 一分

右八味合煎以貼瘡上

出第二十一卷中



外臺秘要方卷二十四

總校官進士臣繆琪

校對官助教臣卜惟吉

膳錄監生臣謝蓮鶚